

四庫全書

史部

欽定四庫全書

欽定大清一統志卷二百六十一

漢陽府

在湖北省治西北十里東西距二百七十里南北距四百七十里東至武昌府江夏縣界七

里西至德安府雲夢縣界二百里南至湖南岳州府臨湘縣界二百四十里北至河南汝寧府羅山縣界二百三十里東南至武昌府治十里西南至荊州府監利縣治五百六十里東北至黃州府治一百八十里西北至德安府治三百二十里自府治至京師三千一百五十里

分野天文翼軫分野鶉尾之次

按唐書天文志翼軫鶉尾也起張十五度

中翼十二度  
終軫七度

建置沿革禹貢荊州之域春秋戰國屬楚秦屬南郡

漢屬江夏郡後漢因之建安中為江夏郡治三國

屬吳晉屬江夏郡

郡初治石陽後徙安陸

宋齊因之隋置漢

陽縣屬沔陽郡

案穀梁傳公二十八年傳云水北為陽山南為陽范甯注云日之所照

曰陽是水北山南之訓為自古不可移易之定名故左傳漢陽諸姬句杜預即引穀梁傳之文以証之而以為姬姓之國在漢北者其義甚為明確今漢陽郡治按圖實有漢水之南於陽字名實乖舛而圖內在漢水南者又有漢陰山仍以漢陰為名又彼此自相矛盾詳求其故蓋由隋代改名之初但知襲用左傳舊文以為美稱而未經考核方位以致舛誤樂史太平寰宇記知其未安乃以漢水

之南嶂山之陽曲為之說尤屬附會至古今郡縣之以山水陰陽得名者甚夥今据地形通加審核大抵以山名者均無乖誤即以水名者亦多屬相符惟昆陽在昆明池南潏陽在潏水南海陽在大海西南汝陰在汝水之北汶陽在汶水之南潏陽在潏水之南祁陽在祁水之南俱與本義相違蓋皆因沿襲古名失於考實之故後來昆陽等名已經改易惟潏陽海陽潏陽祁陽尚沿舊稱今因漢陽而併及之俾言地理者得以考正其失焉

唐武德四年析置沔州天寶初

曰漢陽郡乾元初復曰沔州屬江南道建中二年

州廢四年復置寶曆二年又廢屬鄂州

見舊唐本紀新唐書

同而舊唐志作太和七年州廢樂史太平寰宇記作太和二年廢四年復置又廢不同

五代

周顯德五年置漢陽軍宋熙寧四年仍廢屬鄂州  
元祐初復置軍屬荆湖北路紹興五年廢七年復  
置元至元中升為漢陽府屬湖廣行中書省明洪  
武九年省入武昌府十三年復置府屬湖廣布政  
使司

本朝因之康熙三年屬湖北省領縣四州一

漢陽縣

附郭東西距九十三里南北距二百六十里東至武昌府江夏縣界七里西至漢川

縣界九十里南至沔陽縣界一百四十里北至黃陂縣界五十里東南至武昌府江夏縣治七里西

南至沔陽州界一百二十里東北至黃陂縣界四十里西北至孝感縣界七十里漢江夏郡沙羨縣地後漢末嘗為沙羨縣治晉置石陽縣屬江夏郡後改名曲陽宋又改名曲陵齊為沔陽梁為梁安郡地隋開皇十七年改置漢津縣大業初改曰漢陽屬沔陽郡唐初為沔州治寶曆二年州廢縣屬鄂州五代周為漢陽軍治宋因之元為漢陽府治明初屬武昌府後復為漢陽府治本朝因之

### 漢川縣

在府西北一百二十里東西距一百二十里南北距一百五十里東至漢陽縣界三十

里西至安陸府天門縣界九十里南至沔陽州界一百里北至德安府雲夢縣界四十里東南至漢陽縣治一百二十里西南至沔陽州治一百八十里東北至孝感縣界五十里西北至雲夢縣治九十里漢沙羨安陸縣地梁置梁安郡西魏改曰魏安郡無置江州尋改郡曰江州廢帝三年江州州

曰沔州後周置龍山縣為州郡治建德二年州廢  
隋開皇初郡廢以縣屬沔州後屬沔陽郡大業末  
縣廢入漢陽唐武德四年復析漢陽縣置沔州縣  
屬沔州寶曆二年屬鄂州五代周改屬安州宋初  
改義川後改漢川屬漢陽軍熙寧四年省為鎮元  
祐元年復置紹興五年又省七年又置元屬漢陽  
府明初屬武昌府後還

**孝感縣**

在府北一百四十里東西距七十里

屬漢陽府 本朝因之  
南北距二百六十里東至黃陂縣界六十里西至  
德安府雲夢縣界十里南至漢川縣界三十里北  
至河南汝寧府羅山縣界二百七十里東南至漢  
陽縣界五十里西南至漢川縣治一百二十里東  
北至羅山縣治三百八十里西北至德安府安陸  
縣界七十里漢安陸縣地宋孝武帝析置孝昌縣  
屬江夏郡明帝置南義陽郡梁天監三年於南義  
陽置司州州尋徙安陸西魏於縣置岳州岳山郡

後周州郡俱廢隋屬安陸郡唐武德四年於縣置  
澤州八年州廢屬安州寶應二年改屬沔州建中  
二年仍屬安州元和三年省入雲夢縣咸通中復  
置五代後唐改曰孝感縣宋屬德安府元因之明  
洪武九年省入德安州十三年復置仍屬  
德安府 本朝雍正七年改屬漢陽府 **黃陂縣**

在府北一百二十里東西距一百十里南北距二  
百三十里東至黃州府黃岡縣界五十里西至孝  
感縣界六十里南至漢陽縣界五十里北至河南  
汝寧府羅山縣界二百八十里東南至黃岡縣界  
五十里西南至漢陽縣界六十里東北至黃州府  
黃安縣界八十里西北至孝感縣界八十五里漢  
江夏郡西陵縣地北齊置南司州陳曰司州後周  
改曰黃州唐置黃陂縣隋開皇初州廢縣屬永安  
郡唐武德三年復置南司州七年州廢仍屬黃  
州宋元明因之 本朝雍正七年改屬漢陽府 **沔**

陽州

在府南二百四十里東西距二百七十里南距二百九十里東至漢川縣界一百七十里

里西至安陸府潛江縣界一百里南至湖南岳州府臨湘縣界二百二十五里北至安陸府天門縣

界七十里東南至武昌府嘉魚縣治一百五十里西南至荊州府監利縣治二百里東北至漢川縣

治二百里西北至安陸府潛江縣治一百里漢置雲杜縣屬江夏郡後漢因之晉元康中改屬竟陵

郡宋齊因之梁置沔陽郡西魏改置建興縣北周置復州隋開皇初郡廢移州治竟陵以建興縣屬

焉仁壽三年仍為復州治大業初改州曰沔州縣曰沔陽縣尋又改州曰沔陽郡唐武德五年改郡

曰復州移治竟陵以沔陽屬焉貞觀七年又移州來治天寶初曰竟陵郡乾元初仍曰復州寶應二

年復移州治竟陵以縣屬焉屬山南東道宋乾德三年分置玉沙縣寶元二年廢沔陽入玉沙熙寧

六年又省玉沙入監利縣元祐元年復置玉沙縣  
仍屬復州端平三年復移州來治元至元十三年  
改復州為復州路十五年升為沔陽府屬荊湖北  
道明洪武九年降為州以所治玉沙縣省入直隸  
湖廣布政使司嘉靖十年改屬承天府本朝乾隆  
二十八年改屬漢陽府析州境分置文泉縣三  
十年仍併  
縣入州

形勢仰眎大別之固俯視滄浪之浸閱吳蜀樓船之

殷鑒荆衡藪澤之大

唐賈至沔州  
秋興亭記

據鳳樓之峻峯

倚大別之巨麓蜀江西來漢水東注

宋蔡旼臣  
麥廊臺記

風俗民性勁直決烈多存仁義有歷世不分者

宋民志

樸畧春夏力農秋冬業漁

府志

城池漢陽府城

周四里有奇門三東南臨江北跨鳳樓山明初因舊址改築本朝順治

十八年康熙六年兩修雍正四年重修

漢川縣城

周七里有奇門五明崇禎九年築

本朝雍正七年重修

孝感縣城

周七里有奇門六濠廣丈許明正德七年土築萬厯初

甃本朝順治十六年重修

黃陂縣城

周五里有奇門六萬厯初因舊址築本朝順

治中增修沔陽州城

周一千一百餘丈門六城東臨蓮花池西南北皆臨河明洪武初築

本朝雍正七年修

學校漢陽府學

在府治西鳳棲山麓明洪武初因宋故址建本朝順治康熙中增修入

學額數  
二十名  
漢陽縣學  
在府城南門內明永樂初建正統八年廢萬歷十五年重建

本朝順治康熙中增修  
入學額數十五名  
漢川縣學  
在縣治東北元至元二十

六年建明嘉靖二十五年遷於伏龍山四十二年仍遷舊址  
本朝順治康熙中增修入學額

數十名  
孝感縣學  
在縣治東明洪武十三年因家元故址重建  
本朝順治康熙

中屢修入學  
額數二十名  
黃陂縣學  
在縣治東北明洪武十五年建  
本朝康熙雍

正間屢修入學  
額數二十名  
沔陽州學  
在州治東北舊在城西南明初遷建  
本

朝康熙四年修五十五年  
重葺入學額數二十名  
鳳山書院  
在漢陽縣治北鳳樓

山上又黃陂縣有二程書院在縣東魯臺山麓  
明建沔陽州有南湖書院在州學內宋建仁風

書院在州東南蓮花池上 本朝康熙十二年建各州縣並設有義學社學

### 戶口

原額人丁五萬七千二百六十六又滋生人丁二百八萬三千二百三十八

### 田賦

田地山塘八萬三千九百四十七頃九十七畝八分二厘又額外續墾田地一百三十三

頃六十九畝零七分三厘額徵地丁正雜銀十六萬一千三百六十九錢五分七厘零南糧一萬八千九百三十九石三斗四升五合零漕糧一萬九千五百七十九石一升二合零

### 山川梅子山

在漢陽縣西三里舊多梅女郎山在漢陽縣西二十里又湯家山在女

郎山南眾湖中  
中有簸箕洞

### 漢南山

在漢陽縣西二十里漢水之南明統志具山三峯並

峙一曰仙女二曰樓子  
三曰馬足亦名三山景

### 漢陰山

在漢陽縣西四十里漢水北以漢陰

丈人得名一臨嶂山在漢陽縣西六十里府志山名馬鞍山在漢水南一名城頭山盤基

數十里窠宇記臨嶂山南峯鳳棲山在府治後王謂之烏林峯亦謂之赤壁鳳棲山象之與地紀

勝鳳棲山軍治在其陽山上有閭宋知軍事劉辟驢記云昔有鳳凰棲此故名按吳志孫權黃龍

二年夏口言湖蓋山在漢陽縣北二十里與地記鳳凰見即此湖蓋山勝山形如蓋南臨漢水西帶

大湖大別山在漢陽縣東北一名魯山書禹貢內故名大別山方至於大別左傳定公四年吳伐楚

子常濟漢而陳自小別至於大別杜預註禹貢漢水至大別南入江然則此二別在江夏界鄴道元

水經注江水東逕魯山南古翼際山也地說曰漢與江合於衡北翼際山旁者也山左即沔水口矣

李吉甫元和郡縣志魯山一名大別山在漢陽縣東北一百步前枕蜀江北帶漢水山上有吳將魯

肅祠輿地紀勝漢陽縣有梁城山即魯山舊志山在漢陽縣南北半里漢江西岸漢水逕其南漢水

從西北來會文寺山在漢陽縣西南三十里下臨于山之東南文寺山在漢陽縣西南三十里下臨

城尉武山在漢陽縣西大軍山在漢陽縣西南水經註江水東逕大

軍山南又東逕小軍山南臨側江津東有小軍浦舊志大軍山在縣西南六十里高百餘丈每出雲

蒸霧則數十里皆雨小軍山在縣西南五楮山在十里二山皆以吳魏相持陳軍山間故名楮山在

陽縣西南六十里沌水之龍霓山在漢陽縣西南南詣峯遠迤直抵沌水六十里接漢川

縣界自九真中麓發脉逕三十陽岵山在漢陽餘峯至此三峯岵峙又西有麥山陽岵山在漢陽

七十百人山在漢陽縣西南八十里水經注江水里左逕百人山南右逕赤壁山北皆周

瑜與黃蓋詐魏武大軍所起也與地香鑪山在漢紀勝百人山在縣西南七十八里

西南九十里形似名馬九真山在漢陽縣西南與地紀勝縣有五藏山在縣西南唐咸通

八年改名仙潛山俗呼為九真山相傳有九仙女煉丹於此府志山在縣西南九十里高數百丈九

峯相向因名九真下有九柏泉山在漢陽縣西北泉皆清澈又有菖蒲洞

勝山下有井古玉筍山在漢陽縣西北六十里山柏根盤其中多白石參差如筍一名栲

栲雙山在漢川縣東二赤壁山在漢川縣西元和志在漢川縣東二赤壁草市在漢

川縣西八十里古今地書多言此是曹操敗處按三國志曹操自江陵追劉脩至巴邱遂至赤壁

敗歸南郡赤壁在巴陵之下大江之中與漢川殊為乖謬蓋是側近居人見崖岸赤色因呼為赤壁

也祝穆方輿勝覽赤鳳凰山在漢川縣南四十里

鳳止其上故名漢山在漢川縣南四十里相近有石鏡山山有巨石圓淨如鏡龍門山在漢

川縣南六十里山麓有洞及龍潭可禱雨陽臺山在漢川縣南二十五里有陽臺

山寰宇記陽臺廟在漢川縣南二十五里有陽臺山在漢水之陽山形如臺按宋玉高唐賦云楚襄

王遊雲夢之澤夢神女曰妾在巫山之陽高邱之阻朝朝暮暮陽臺之下遂有廟焉今誤傳在巫峽之中

縣令裴敞為碑以正其由府志陽臺山在縣之南一里一名仙女山上有神女祠或曰周將裴覽請

建州於羊蹄山即此擔山在漢川縣南十五里湖水中有山並峙其形如

擔小別山在漢川縣東南漢江濱一名甌山元和志在漢川縣東南五十里寰宇記在漢

川縣東南四十五里山形如甌土諺謂之甌山府志在今縣東南十里

**高觀山**

在漢陽縣

東南三十里接漢陽縣界山勢高聳可遠望

**內方山**

在漢川縣西南元和志在漢川縣南

九十里寰宇記山枕漢江尚書內方至于大別孔注大別內方二山漢水所經乃此山也府志在縣

西五十里按高貢內方即章山在今荆門州界此別是一山寰宇記誤

**牢城山**

在孝感縣之北

一百有八十里其旁有五岳栗穀大魁小魁諸山

**清風山**

在孝感縣北二百里其旁有蓋

頂山牛頭山

**五峯山**

在孝感縣北二百二十里五峯並峙

**九峻山**

在孝感縣東北

八十里寰宇記孝感縣西有九宗山輿地紀勝九峻山一名九宗山環阜疊嶂林麓深杳大溪橫前景物幽勝不減長安之九峻曹學佺名勝志上有寶陀巖羅漢巖鄧通墓

**雙峯山**

在孝感縣

東北九十里九峻山之北兩峯並峙高三百餘丈飛瀑懸流登之可盡江漢之勝上有雙峰寺雖盛

夏亦可披裘

### 黃草山

在孝感縣東北九十里與雙峰對峙陰峻孤峭人跡罕至春夏多霧

咫尺莫辨上有龍池寺盛夏亦寒山之東接黃陂縣界

### 大伍山

在孝感縣東北一百二十

二里寰宇記相近有小伍山兩相疊嶂遠望如行伍俗以為名府志今日大悟山一名上界山高二

百餘丈周四十里有平壤可畊其陽為獅子崖

### 黃雲山

在孝感縣東北一百七十里雲

色多黃與諸山異又西北十里有白雲山一名石人山元平章察罕初隱居於此皆大悟之枝阜也

### 三山

在孝感縣西北一百四十里輿地紀勝三峯聯峙一名大洪山

### 魯臺山

在黃陂縣

境舊志在縣東一里宋二程讀書處

### 甘露山

在黃陂縣東十五里峯巒疊出林木蔚然輿地

紀勝黃陂縣有甘露山相傳陳高祖時甘露降曾於南司州建甘露寺

**響山**

在黃陂縣東三

十里**伏馬山**

在黃陂縣北三十里高巖在黃陂縣北三十里高巖

**木蘭山**

在黃陂縣

北寰宇記在黃岡縣西一百二十里舊木蘭縣取此山為名今有廟並木蘭鄉舊志在今縣北七十

里山勢嵯峨羣峯攢簇有危崖邃壑扳援難至上有白雲洞下有黃石洞左挹蓮湖右倚玉屏山流

泉怪石為縣之勝

**龍珠山**

在黃陂縣北九十里山形如龍前有白石如珠

**金鼓山**

在黃陂縣北一百里丹崖壁立秀拔雲表上有石形如鼓陰雨則有聲

**嵯峨山**

在黃陂縣

北一百三十里下有花崖洞

**大陂山**

在黃陂縣東北三十里山下有大陂溉田可至百頃

**太**

**陽山**

在黃陂縣東北三十里峯巒高聳日出光熙其巔霞彩掩映

**白龍山**

在黃陂縣

東北三十里上有井  
大旱不竭可禱雨

鹿耳山

在黃陂縣東北四十里

磨盤山

在黃陂縣東北八十里

橫山

在橫陂縣西北二十里

龍王山

在黃陂縣西北六十

里一名龍王尖

礦山

在黃陂縣西北八十里自麓至巔十里許上有黑白二井下有仙人洞

黃蘗山

在黃陂縣西北一百六十里

黃蘗山

在沔陽州東南二百里本朝雍正

七年府同知移駐於此州志山上有石靈峰為山之最高頂其石為黃蘗湖元末陳友諒之父漁於其地及徐壽輝陷沔陽友諒起兵黃蘗以應之

香山

在沔陽州東南二百里一名望鄉山

家嶺

在漢陽縣西二里地勢高聳樹木陰森

分金嶺

在漢陽縣西一百十里黃

茅嶺

在孝感縣北二百五十里縣志孝感之黃茅嶺與應山之高貴山隨州之栲栳山皆與信

陽三關形勢聯絡上接荆襄下達光黃  
圖經所謂天下之中路楚北之要害也  
長軒嶺在

陂縣北五十五里其  
南五里有短軒嶺  
避水岡在漢川縣東二十里  
相對有破岡俱涓水

所經  
龍耳岡在漢川縣北九十里西  
有龍耳湖東有龍尾磯  
鳳凰岡在孝感縣東一

名鳳凰山隋書地理志孝感縣有鳳凰岡  
盛營荊州記云安陸縣東四十里有鳳凰岡昔有

鳳產乳其上又晉永和四年鳳凰將九子棲集其  
上與地紀勝亦名乳鳳岡縣志在縣東四十里四

面皆  
張王磯在府城南門外臨江  
極險上有張巡廟  
禹功磯在漢陽縣東北

一名吳王磯與地紀勝吳王磯在大別山側府志  
俗名呂公磯元世祖嘗駐蹕黃鶴山隔江望見此

磯勅改名禹功立禹祠於上  
即大別山臨江處後乃別為名耳  
按此  
烏林磯在沔陽州

東南二百餘里水經江水下有龍潭崖間乳水滴成石佛立像鬚眉宛然朝陽洞在黃

東三十里脉自太陽山蜿蜒而來山脊斷續一峯突起怪石峻增結為巖壑其勢東向故名朝陽懸

崖下覆如蓋中可容數十人金馬坑在孝感縣東北大悟山南一名金馬山山巔有竇方

數丈深不測相傳竇中舊有龍馬又仙姑洞亦在大悟山之南洞門高七尺許中高丈許寬平如堂

班竹圻在沔陽州東南二百里統三百餘阜周環二十里前臨江水左為葛蒲灘右為黃蓬

湖大江自沔陽州東北流入漢陽縣界與武昌府之江夏縣分界又東北會漢水入黃陂縣又

東入黃州府黃岡縣界水經注江水自沙陽州東左逕百人山南又東逕大軍山南又東逕小軍山

南又東逕鷄翅山北又東北至沌口又東逕數父山南又東逕魯山南山左即沔水口又左得湖口

又東合渦口又東湖水自北南注謂之嘉吳江右岸類得二夏浦北對東城洲江之左岸東會龍驤水口江之左有武口水上通安陸之延頭南直武洲洲南對楊桂水口荊州界盡此元和志大江水南自復州沔陽縣界流入漢陽縣去縣東二十步東北流入黃州界又大江水在黃陂縣南一百一十九里西南自江夏縣界流入又東入黃岡縣界府志大江環抱郡城去城僅數十丈自荊州監利而下會沌口過城南與漢合者江之正流也有自沔陽播為陽明諸湖匯于太白有沌口出江者有徑沔播為黃蓬諸湖逕上平下平放至新灘鎮出江者有自孝感逕漢陽之石潭河入黃陂境至沙口出江者此在鄰境旁出而入江者也舊志江水自東江腦入府境歷新灘口大江口百人大小軍諸山過沌口至府城東逕大別山合漢江轉廻波灣抵五通口共一百九十里入黃陂縣境逕縣東

南五十里流十五里至沙口入黃岡縣界

### 漢水

自沔陽州東流入漢川縣界又東流入漢陽縣

界至縣北漢口入江一名沔水一名沮水古禹貢

嵎冢導漢

東流為漢至于大別南入于江漢書地

理志沮水南至沙羨南入江水經注沔水東與力口合又東南潏水入焉又東逕沱水口又東逕沔

陽縣北又東逕林郭故城北又南至江夏沙羨縣北

南入於江元和志漢陽縣漢水自漢川縣流入襄

宇記漢水在漢川縣東南四十五里府志漢水故

道在今漢口北十里許從黃金口入排沙口東北

折環抱牯牛洲至魏公口又西南轉北至郭師口

對岸曰襄河口約長四十里然後下漢口成化初

忽於排沙口下郭師口上直通一道約長十里漢

水逕從此下而故道遂淤今魚利畧存不通舟楫

俗呼為襄河以上流自襄陽來也又水有自雲夢

苛河出者有自應城五龍河出者有自竟陵皂角

河出者有逕田二河沉下湖出者有逕迴流壩及  
逕南湖金剛腦出者皆逕口以上諸小水流入于  
漢者也。有自猪龍潭逕漢陽三汊會白水又逕東  
西二至山過陳門湖下蔡店者。此漢之別流分於  
湏口之上合於湏水之下而復於漢者也。舊志漢  
水自沔陽州沈波亭入漢川縣境會城隍港水又  
東分流為麻布港又東右會却月湖左會江西湖  
之水折而北右會白日段莊二湖之水左會麻布  
港水東北流逕縣城東而北左逕石岡口稍東右  
會許家湖而東流凡一百八十里入漢陽縣界至  
湏口會湏水分流為金牛港又東過蔡店臨漳山  
又東過黃金口南流至縣北郭師口一支南流逕  
大別山後至漢口一支北出亦至漢口。沌水在漢縣  
為前襄河凡一百二十里入大江。沌水在漢縣  
水經注沔水東逕沌水口水南通縣之太白湖又  
沌水上承沔陽縣之白湖東南流為沌水逕沔陽

縣南注於江謂之沌口府志沌水在縣西南三十里漢水別出三汊匯太白全湖之水 downstream 為馬影沱河東北逕香爐山上下蒲潭又東

**湏水**

自德安府雲夢縣界

過小軍山文寺山下十里入江中東南流入漢川縣界又東南流入漢陽縣界入漢其入漢之處名湏口水經註湏水經安陸縣合漢水又南分為二水東通瀘水南入于沔謂之湏口

案宇記湏水在沔川縣東十七里府志湏水在漢

川縣東北三十里漢陽縣西北一百里舊志湏水

至漢川縣北東會楊子港過劉家隔至柘樹口東

北會算河而東南出湏口入漢江接漢陽縣界

按今漢川算河東接淪河淪河上接孝感感潭河潭

河東通瀘口即水經

注所謂東通瀘口也

**漢水**

在漢川縣西北自天門縣流入縣界東流至縣

東北入湏水元和志

漢川水在漢川縣南二里西

北自鄂州界流入寰宇記

漢水

源出鄂州長壽縣

唐刀山東南流名澁水至復州竟陵縣界名汭水  
又東南流入汭川縣舊志京山縣曰澁二水至竟  
陵縣八字腦分為二流一為田二河在漢川縣西  
南九十里至張池口入漢一為竹筒河在縣西七  
十里東流至北嘴曲折北流二十里名金帶河西  
通應城縣三臺龍骨等湖又東流會重石河又東  
流南通安漢湖又東逕縣北二十  
里為楊子港至縣東北會涓水  
信陽州天磨池入境逕九江關黃茅嶺南流遠三  
里城逕新店會清風澗水為雙河口又逕二郎坂  
至觀音崖楊溪水注之又合小河溪折而西流右  
會黃沙河為兩河口南流逕九子墩遠南義陽城  
名晏家河又會淮水磨陂水至縣北六十里分流  
為二其東流逕縣東北五十里者名澁河下流合  
於西河其南流者為白沙河又南逕縣西名西河  
至縣西南二流仍合又會老鵝潭支流及朱思湖

後河之水遶縣治南而東流會董家湖羊馬湖水  
至縣東五十里竹子港復分流為東山淪河溪水  
又東會馬溪河入黃陂縣界為藤子港河會縣  
河之水東流逕牛湖至縣南四十五里通入河白

### 雲山水

在孝感縣東北源出白雲山下北流會朝陽之山水與雙峰山水又北會麻陂水為

陳家河又會青山水又北會

### 龍驤水

在黃陂縣南水經注

淮水亦名兩河口入晏家河

江之左岸東會龍驤水口出北山巒中元和志在縣南七十二里相傳晉龍驤將軍王濟率舟師伐吳屯軍於此舊志今縣南東湖之南牛湖之西北有水一泓名龍驤之水益非故蹟也

### 灑水

黃

陂縣西南水經注江水東合灑口水上承潁水於安陸縣而東逕灑陽縣北東南注於江舊志灑口在黃陂縣西南四十里上接孝感縣灑河及縣河之水東流至小河口入江按此即灑河下流別

名藤子港者也王存九城志黃陂縣有淪水亦即此

### 漣口水

在沔陽州西北水經註沔水又

東得漣口其水承大漣馬骨諸湖水周三四百里及其夏水來同浩若滄海洪澤巨浪縈連江沔故

郭景純江賦云其旁

### 新河

在漢川縣北一里明隆慶元年開引松河入漢

水長五六里萬厯中再濬從縣城東迎恩橋轉搬載口出漢水又安漢湖在縣北二十里一名下岡

湖橫湖在縣東北五里北接

### 注泉鋪河

在漢川縣東北四十

里自孝感縣西入新河

五里自孝感縣八埠口流入

### 五龍河

在漢川縣西北一百二十里與德安府應城縣接界者也

自三臺湖入金帶河

### 淪河

即潞水下流自孝感縣東南竹子港分流名東山淪河西南流入漢

川縣界又名安河又南合注泉鋪河至縣北三十里為界河又西南至縣東北二十里柘樹口與潁

水合其水本非長流春夏水漲始通舟楫明嘉靖末算河衝決頗甚與潁水逆流合潁水而潁口以

上通塞不常本朝雍正五年發帑

築河濱麻埠等十二坑水遂安流

宇記白水在漢川縣南一百十三里從縣界沌水流入漢江即左傳成回縣志在縣南七十里上流

舊曰大河口東流至沌水出口支流逕鳳凰山為

繫馬口入白水河與漢水合今水道已塞惟春夏

水漲可通舟楫按杜預注白水

水本在今鍾祥縣界寰宇記誤

白沙河在孝感縣西即潁河

支流自縣北六十里分流南注至響水潭復分為

三支一自高埠潭逕何家埠一自上沙港至陶家

嘴仍入潁河一自陡岡埠南流名佑河逕蔡家渡

注老鵝潭又分為三支其一合深溝橋水逕白龍

潭入漢其一逕八埠口合德安府雲夢縣洛陽河

南流逕注潁河入漢其一逕縣治西南入西河

馬溪河

在孝感縣東南六十里一名界河源出縣東北界滑石冲南流會涇川河斗山河蒲

湖諸水南入深河

黃沙河

在孝感縣西北入境凡六十里至西河縣西北入境

口會深河舊志古深河本自應山縣流逕縣西界寰宇記云深河在縣西十五里自應山縣流入是也今土人以深河上流為黃沙河而以

縣河

在黃陂縣

南郭外源出黃州府黃安縣仙居山西南流其別源出金局關南流合為西河口又南逕大成潭潭在縣北八十里其水冬溫又南至縣城北遶城東南始名縣河至縣南分二流一東流逕縣南二里名東河逕武湖出沙口入江一西南

舊鎮界河

在黃陂縣西北六十里源自河南汝寧府羅山縣

界南流逕縣界又南流入孝感縣之馬溪河到河

在沔陽州北七十里漢水支流南注西湖其復車

注湖處名列河口列字與穴同義水分洩處

河在沔陽州東南一百八十里大江白茅埠分流

灘口又一支自三灣漕河在沔陽州西南白柳口

迴斗湖入陽名湖流遶州城至城北合西

湖水東流過漢津橋迴上馬口滄

浪河接陽河下馬口入太白湖

七里沔在沔陽州東一

里裏宇記夏水合諸水入漢漢入

瀾名七里沔即屈原遙漁父處

百二十里源出大城隍港

在漢川縣西南十五里

怡山西流入漢河即涇水舊自天門縣流

入還縣西九十里城隍臺因名又至兩河口入漢

今城隍港會汜汜沈下五湖瓜子大松小松諸湖

之水東

南入江麻埠港在漢川縣東南五里一名麻布港

自漢水分流而東北左會縣西南

二十里之道觀湖水至縣東南一里概  
載口仍入漢水夏秋水漲可通舟楫  
**長洋港**在

陽州東南水經注長洋港東北流逕石子岡又  
東逕州陵新治南東南流注于江謂之漢口  
**楊**

**林港**在沔陽州東南又有神臺茅  
臺清水諸港俱入太白湖  
**郎官湖**在府城內東南

陽唐李白注郎官湖詩序乾元歲秋八月白遷於  
夜郎遇故人尚書郎張謂出使夏口沔州牧杜公

漢陽宰王公錫于江城之南湖方夜水月如練清  
光可掇張公殊有勝槩四望超然乃顧白曰此湖

古來賢豪遊者非一而枉踐佳景寂寥無聞夫子  
可為我標之嘉名以傳不朽白因舉酒酌水號之

曰郎官湖府志湖匯城中諸水南從水  
門達江明正德以後漸涸僅同溝洫  
**太子湖**在

陽縣西十五里府志相傳梁昭明太子食采于此  
亦名昭明湖鵬鵠刀環南湖官湖諸水俱自縣西

二十里平塘東流來匯又北會月湖之水東南入江為火港口

馬影湖

在漢陽縣西五十里

一名馬影河又蒲潭湖在縣西南六十里

月湖

在漢陽縣北大別山之陰東以長堤限江

西通漢水一泓清淺四圍山色如黛路通漢北渡者往來不絕

瀟湘湖

在漢陽縣北十里其

水南流分二支經流東入漢水為楊林口一支稍西南流亦入漢漢口水泛時遊船如織

三淪

湖

在漢陽縣北二十五里按元史至元十一年巴延伐宋次漢口兵不得進千戶馬福言淪湖

口可通沙蕪入江乃自漢口開壩引船入淪河遂趨沙蕪大江蓋即此淪湖非自孝感入漢川之淪

也刀環湖

在漢陽縣西南三十里寰宇記刀環湖湖形彎曲象刀環也府志其水東

通南湖今名皮思海又南湖在縣西南四十里東接官湖之水北流至平塘官湖在縣西南三十里

今名天鵝塘  
周數十里

### 太白湖

在漢陽縣西南接沔陽州東北界水經注沱水南通太白

湖與地紀勝在漢陽縣西南一百二十里府志太白湖一名九真湖周二百餘里潛水自西北來注之西湖李老沙湖泗港諸水匯焉沱水自南來注之直步陽明黃蓬諸水匯焉而東南泄于沱水出江春夏水漲與新灘馬影蒲潭等湖合而爲一冬涸始分舊志太白湖西南受陽明湖西北受沙湖北受索子港南通新灘湖在漢陽縣西南一百新灘口東通沱水

### 新灘湖

在漢陽縣西南一百三十里即新灘口也

鵝

### 鵝湖

在漢陽縣西北三十里其水南流至平塘折而東入昭明湖

### 桑臺湖

在漢陽縣

西北三十里

### 貓兒湖

在漢陽縣西北六十里其水東南流入漢水又有三十六灣水

上承小河之水

會貓兒湖水入漢

### 沔陽湖

在漢川縣西四十里北通五湖西通

縣西九十里之沈下湖又五  
湖在縣西北四十里北通瓜子湖

**却月湖**

在漢川縣南七  
十里首尾迂直

形如却月北通漢水又江西湖在縣南二十里白  
石湖在縣東南三十五里段莊湖在縣南三十里

許家湖在縣東二  
十里皆與漢水通

**大松湖**

在漢川縣北十八里又  
北二里為小松湖西接

瓜子湖北  
通楊子港

**重石湖**

在漢川縣西北八十里即應城  
縣之西河古富水所名也南流

入金帶河又清水湖  
在縣西北六十里

**三臺湖**

在漢川縣西北九十  
里接德安府應城縣

界通金  
帶河

**董家湖**

在孝感縣東五里以孝子董永得  
名又縣東北十里有理絲橋水源

出縣東北四十里牛  
跡山南流入董家湖

**蒲湖**

在孝感縣東四十里俗  
名野豬湖縣東北三汊

埠有東西兩河南流入  
北出沙河入馬溪河

**羊馬湖**

在孝感縣東南二  
十里有東西二湖

縣東北諸山  
之水皆匯焉  
**後湖**  
在孝感縣西北廣二里延袤五  
六里淮田可千畝明初淤塞正

統中  
修復**加湖**  
在黃陂縣東南通鑑齊中興元年蕭衍  
至竟陵命曹景宗為前軍景宗至石樓

浦連軍相續下至加湖注加湖在江夏滿陽縣界  
湖水自北南注江  
按此即水經注所謂嘉湖江

也今  
**武湖**  
在黃陂縣東南即武口水也水經注江  
之左有武口水工通安陸之延頭南至

武城入大江元和志武湖在黃陂縣南四十九里  
黃祖閱武習戰之所寰宇記在縣南二十里縣志

在縣東南二十五里東至黃岡縣一百三十  
里周迴四十五里東迤大江亦名黃漢湖  
**洋漫**

**湖**  
在黃陂縣西南五里又石子湖在縣西南三十  
里後湖在縣西南四十里俱南流分注滙口

**牛湖**  
在黃陂縣西南五十里東通大  
江其支流西南入漢陽縣界  
**黿湖**  
在沔陽  
州東二

十里又白鷺湖在縣東南

**陽明湖**

在沔陽州東一百七十里受復車河張家池水逕崇陽潭

入蘆花瀆

**上西湖**

在沔陽州西八十里又東二十里為下西湖兩湖相連北受到

滙太白湖

河水南出月

**百石湖**

在沔陽西八十里亦為驛道亘十餘里舊植柳樹人馬來

溯口注漕河

往其

**直步湖**

在沔陽州南五十里受柳口諸水逕明渭口螺子瀆入陽明湖

**復池**

**湖**

在沔陽州北七十里元和志周武帝改置復州以州界復池湖為名

**上洪湖**

在沔陽州

東南一百二十里又南十里為下洪湖皆通黃蘗湖

**黃蘗湖**

在沔陽州東南一百四十里黃

蘗山下納茅埠口許家池諸水連大舍

**馬骨湖**

在

白螺上洪等湖趨復車河達新灘入江

陽州東南一百六十里秋夏泛漲淼漫若海春冬遂涸即為平田周迴一十五里

**李老湖**

在沔陽州東沙湖在沔陽州東北一百四十里與太白湖相連泗港湖

在沔陽州東北有上三陽湖在沔陽州西南五十里與地紀勝東曰朝

陽西曰南陽北曰烟波灣與地紀勝在漢陽縣東

日暮鄉關何處是烟波江上使人愁旁有里曰烟波里亭曰烟波亭府志今縣東北三十里有白沙

灣水甚清西流灣在黃陂縣南五十里此鷄鳴汊在

川縣西北二十里元末徐壽輝作亂庫春布哈鎮武昌遣其子引舟師攻之至鷄鳴汊水淺舟滯為

壽輝倪文俊所焚即此庫春布哈舊作寬徹普化今改正瀘水洪在漢川縣西南一

處接沔陽州界小里潭在漢川縣西魯臺潭在漢川縣東門外水清

西南五里許為石門潭在黃陂縣北八十里一名城門潭石壁嶙峋間若門

商舟輳集處戶下有深淵相傳有龍潛焉漢口在漢陽縣東漢水入江之口也

又大城潭在縣北七十里亦曰夏口沔口魯口左傳昭公四年吳伐楚楚沈尹戌奔命於夏汭杜預註漢水曲入江處今夏口

也水經註夏水入沔自堵口下沔水通魚夏目而會於江謂之夏汭即夏口矣胡三省通鑑註今漢

陽軍即夏口也所謂漢口也庾仲雍曰一曰沔口祝穆曰一曰魯口蓋以夏水沔水魯山得名實一

處也其地本在江北自孫權置夏口督屯江南於是相承以鄂州為夏口而江北之夏口晦矣新

河口在漢川縣北三十里水路通德安府又黃陂縣南三十五里亦有新河口明萬曆中江水

冲隘而成後居民商賈輻輳日以繁盛百埠口在漢川縣西北七十里路通德安府應城縣

安陸府  
京山縣

### 五通口

在黃陂縣西四十里  
上接藤子港入江

### 沙口

在黃陂縣東南

五十里即武湖入江處水經註所謂武口也亦曰沙武口沙伏口沙蕪口宋夏貴興元已延戰處明

統志沙蕪口在黃岡縣西北  
一百二十里巴延譯見前

### 劉公洲

在漢陽縣南江中與地紀

勝元祐八年有沙州湧出知軍劉誼種荻其上故名後有李家請佃改名李家洲府志洲舊自三里

坡直抵南紀門荻葦繁茂冬春水落賈舟集此民有貿易之利明嘉靖以來漸沒而故洲外復淤一

洲下抵朝宗門環拱郡城

### 白龍泉

在漢川縣東南三十里高觀山下又觀音泉在縣南三十

五里泉在山腰甚甘冽大旱不竭

### 摩陂泉

在孝感縣東北八十里泉湧陂中灌田千頃西

南流入環河

### 蓮花池

在沔陽州東南有南北二池舊有橋為通衢  
本朝康熙十二年易

堤橋為

# 古蹟沱陽故城

在漢陽縣西宋書州郡志沱陽縣江左立水經注沱水東逕沱陽縣北處

沱水之陽也又東逕林郭故城北晉建興二年閻侃為荊州鎮此元和志沱陽本漢安陸縣地晉於

今州西臨嶂山下置沱陽縣江夏郡自昶城移理焉後郡又移理夏口沱陽縣屬郡下不改入陳

廢隋開皇九年置成十七年改置漢津縣屬沱陽郡大業二年改為漢陽縣武德四年分沱陽郡於

漢陽縣置沱州及縣並自臨嶂山下故城移於今治寰宇記周顯德五年平淮南與江南畫江為界

以漢陽沱川二縣在大江之北故先進納世宗以漢陽縣置漢陽軍東至鄂州大江中流為界三里

至鄂州七里至漢陽縣以在漢水之南嶂山之下故名按漢陽縣志東漢名沱陽縣後廢入沙羨

晉初名石陽太康中改為曲陽宋則名曲陵至齊  
仍改名沌陽晉書地理志及文獻通考皆無沌陽  
名此故城自係齊時所建而宋志以沌陽為江右  
立元和志以為晉於臨嶂山下置沌陽縣姑存之  
以脩**漢川故城**在漢川縣北舊唐書地理志漢川  
參考**漢川故城**漢陸安縣地元和志縣東至沔州  
一百五十里本漢陽縣地武德四年分置漢川縣  
因漢水為名也寰宇記周顯德五年世宗以漢川  
隸安川輿地紀勝宋初改漢川為義州太平興國  
二年避諱改曰漢川縣志舊縣城在縣北三十里  
即大赤鄉城俗呼金鼓城今劉家隔  
地也元至正二十二年移於今治  
**孝昌故城**在  
感縣北宋書州郡志江夏太守領孝昌縣疑是孝  
武世所立隋書地理志安陸郡孝昌西魏置岳州  
及岳山郡後周州郡俱廢又有渾岳郡開皇初廢  
元和志縣西北至安州一百里本漢安陸縣地與

地紀勝圖經云縣因孝子董黯立名後唐避廟諱改曰孝感縣志建炎中嘗移治紫寶寨元至元十六年復還舊治按宋書明帝紀泰始五年於南豫州立南義陽郡齊書州郡志司州首領南義陽郡郡首領孝昌縣是孝昌實為州郡治也隋志則謂吉陽縣有梁置義陽郡西魏改為南司州尋廢縣志古義陽城在縣北一百里黃雲埤上周數里土名義州城疑當時郡縣分治或梁時徙置也

吉陽故城

在孝感縣北古名董城南齊置平陽縣隋改曰吉陽唐屬安州宋省晉書朱伺

傳建興中陳聲斷江抄掠陶侃遣伺為督護討聲伺潛軍襲聲聲東走保董城伺率諸軍圍守之隋書地理志安陸郡吉陽梁置曰平陽又立汝南郡西魏改郡曰重城改縣曰京池後周置深州尋州郡俱廢大業初改縣曰吉陽元和志吉安縣西至安州一百三里本漢安陸縣地因縣北吉陽山為

名寰宇記唐元和三年省入應山後復置開寶三年併入孝感縣在縣北六十里輿地紀勝吉陽縣

城本名董城因孝子董黜得名

按隋志董城即董城之訛

南司州故城

在今黃陂

縣東即古黃城鎮陳書宣帝紀大建五年伐齊克黃城以為司州治下為安昌郡隋書地理志永安郡黃陂後齊置南司州後周改曰黃州置總管府又有安昌郡開皇初廢又後齊置涇州陳廢元和志黃陂縣東北至黃州一百二十里本漢西陵縣地三國時劉表為荊州刺史以此地當江漢之口懼吳侵軼建安中使黃祖於此築城鎮遏因名黃城鎮周大業元年改鎮為南司州并置黃陂縣隋初改為鎮後復為縣舊唐書地理志後周於古黃城西四十里獨家村置黃陂縣按古黃城據舊唐志在今縣東即齊陳時南司州治也明統志謂在縣北者乃後周時所置黃陂縣在今縣北三里

宋端平三年又寄治青山磯  
元時還舊地復移今治耳

湘州故城

在黃陂縣北魏書地

形志湘州梁置魏因之治大活關城領郡三安蠻  
梁寧永安元和志大活關在黃陂縣北二百里

復州故城

在沔陽州治西魏置建興縣為沔陽郡  
治隋改為沔陽縣唐屬復州宋廢為鎮

後移復州治此元升為沔陽府明改直隸湖廣布政  
司嘉靖十年改屬承天府州志今州城蓋明初偏

舊址築仍餘

東北之半

惠懷故城

在沔陽州西宋書州郡志  
江夏太守領縣惠懷江左

立隋書地理志  
西魏省惠懷縣

州陵故城

在沔陽州東南本楚地  
漢置縣屬南郡後漢及

晉因之宋廢俱屬

玉沙故城

在沔陽州東南宋置  
縣元移治沔陽鎮而

此城廢州志大江北岸有江北城東北三面遺  
址尚存唯南面為江水所隔相傳為玉沙舊治

# 雲杜故城

在沔陽州西北漢置縣屬江夏郡後漢及晉因之宋齊屬竟陵郡梁以後省後

漢劉聖公傳新市人王匡王鳳帥衆共攻離卿聚荊州收其發奔命二萬人攻之匡等相率迎擊於

雲杜注在今復州沔陽縣西北水經沔水又東南逕江夏雲杜縣東注禹貢所謂雲土夢作又縣故

取名焉杜佑通典漢雲杜縣故城在沔陽縣西北

## 甑山廢縣

在漢川縣東南甑山下北

周置唐省隋書地理志沔陽郡甑山梁置梁安郡西魏改魏安郡置江州尋改郡曰江州後周置甑

山縣建德二年州廢開皇初郡廢襄宇記廢甑

山城在漢川縣東南四十五里北漢江梁天監中

置甑山縣周大衆三年司馬消難奔陳此城遂廢唐武德九年移沔州就甑山鎮今廢府志甑山城

在漢川縣東南十里

## 潯陽廢縣

在黃陂縣南晉惠帝時張昌亂安陸人多附昌惟朱伺合

其鄉人討之昌既滅伺郿曲以逆順有嫌求別立  
縣因分安陸東界立潯陽縣屬江夏郡宋因之後  
魏屬梁寧郡後周時廢漢陽志

魯山城

在漢陽縣東北水經

注魯山上有吳江夏太守陸渙所治城舊治安陸  
吳乃徙此舊志晉元興末劉毅等討桓振至夏口  
振遣其黨孟山圖據魯城齊永元二年蕭衍舉兵  
東下東昏侯勅竟陵太守房僧寄守魯山陳天嘉  
中王琳據江郢諸州附於齊齊人守魯山為郢城  
聲援皆即此唐武德四年蕭銑鄂州刺史雷長賴  
以魯山來降蓋蕭  
銑置州于魯山也  
却月城 在漢陽縣東北水經注  
月壘戴監軍築故曲陵縣也後乃沙羨縣治昔黃  
祖所守吳遣董襲凌統攻而擒之福衡亦遇害于  
此元和志却月故城在漢陽縣北三里  
寰宇記却月城與魯城相對以形似名漢陰城在

陽縣西漢陰山諸葛城在漢陽縣西五十里馬騎  
下遺址尚存

城

在漢陽縣北却月城西二里周

蕭公城

在漢陽縣西北

五里與地紀勝相鍾離城

在漢川縣東五里即五里墩高三丈餘府志路

史曰左傳昭公四年箴尹宜咎城鍾離其城在漢陽軍今之五里墩也成公十五年晉吳所會之鍾

離則在今江南鳳陽府

鷄鳴城

在漢川縣西一百二十里俗名張家城與地紀勝鷄鳴鎮

在縣西八十里相傳曹操敗於赤壁戍於城門間外軍將至鷄鳴而出故名又黃陂縣北二十五里

亦有鷄鳴城

梁褒城

在漢川縣南五里後周宣政中土人梁褒築又郝城在縣南十五里

亦後周時築以主者之姓為名和公城

在漢川縣東北十七里後周所築隋末董道冲叛和

操守漢軍拒之於  
此民賴以全因名  
**梅城**在漢川縣西南梅城鎮陽

**城**在孝感縣東北八十里黃草山西四山陡絕  
壘石為城周數里一徑僅通古避兵處也  
**甘**

**露城**在黃陂縣東十里甘露山上又牛湖城在縣  
南六十里牛湖濱作京城在縣西四十五里

盤龍城在縣西五  
十里建置俱未詳  
**石陽城**在黃陂縣西孫權黃武

五年征江夏以五萬衆  
圍文聘於石陽不克而還即此元和志西陽故城  
在黃陂縣西二十三里縣志在縣北十五里今名

西城  
**武城**在黃陂縣東南亦曰武口城水經註武  
口水南至武城按梁太清二年湘東

王譔發兵聲言援臺城  
軍於郢州之武城即此  
**冶城**在黃陂縣東南二十

里輿地紀勝相傳  
梁武治兵器于此舊跡  
尚存府志今名東城子  
**灞口城**在黃陂縣西南古  
灞水入江處陳大

建五年伐齊郢州刺史

### 安昌城

在黃陂縣西南七  
李綜克滬口城即此

築以捍寇

### 青林城

在沔陽州東與地紀勝  
在玉沙縣東北十里

### 石樓城

在沔陽州

西十五里縣志三陽湖側有故小城即石樓城

### 鄖城

在沔陽州境鄖一作  
鄖左傳桓公十一年

鄖人軍於蒲騷注江夏雲杜縣東南有鄖城晉書  
地理志江夏郡雲杜故鄖子國水經注雲杜縣故

鄖亭左傳所謂若敖娶於鄖是也  
地志元和志俱以為在安州水經注以安陸縣為

按古鄖國括

故鄖城而竟陵雲杜亦以為  
故鄖國諸說互異今並存之

### 夏州

在漢陽縣北史  
記蘇秦傳秦說

楚威王曰楚有夏州集解按左傳楚莊王伐陳鄉  
取一人焉以歸謂之夏州而注者不說夏州所在

車式子撰桓溫集云夏口  
城上數里有洲名夏州

### 西湖村

在黃陂縣與地  
紀勝黃陂縣有

西湖村去感孝縣九十里相傳宋太祖微時嘗因  
渴索酒飲村姥家及貴賓西湖村酒禁至今置萬

戶酒舊志舊有黃連橋在縣西數百步俗傳  
宋祖微時飲其家故以名橋疑即西湖村也

鑄

錢廢監

在漢陽縣北大別山下地名靜江營宋紹  
興二年知軍皇甫煥奉命鼓鑄歲雜數十

萬貫元  
時裁

牧馬廢監

在漢陽縣西南十五里宋乾道  
四年鄂州都統制趙道奏於漢

陽軍擇地修立  
元至元初裁

黃瓊宅

寰宇記孝感縣鳳凰山下有黃瓊宅

春風樓

在府治西明統志宋知軍胡介在任政和民  
安乃建樓曰熙春後守徐安民更名春風

太白

樓

在漢陽縣北十里  
唐李羣玉有詩

望仙樓

在沔陽州城上明統  
志宋晏殊類要云刺

史鄭  
肇建烟雨樓

在沔陽州北明統志  
宋郡守王知新有詩

晴川閣

在漢陽  
縣東北

五里明知府

寶香閣

在沔陽州治內明志程子

讀書堂

在孝感縣東五里縣志程子祖適為黃陂

克北歸故縣有

思賢堂

與地紀勝在黃陂縣尉

讀

書堂

在沔陽州北與地紀勝在紫極

秋興亭

在漢陽縣

治北鳳樓山上唐刺史賈載建中書舍人賈至為

雙松亭

在秋興亭東唐李白將遊衡嶽過漢清光

亭

在漢陽縣治東南郎官湖上湧月亭在漢陽縣

山上宋黃清老建今

克夫亭

在孝感縣九峻山與

州嘗饒客於此

**東坡亭**

在孝感縣東五十里相傳東坡謫黃州過此今廢址

猶存 **雙鳳亭**

在黃陂縣東魯臺山上與地紀勝黃陂縣舊有清遠亭相傳是二程先生雙鳳

亭故基 **仁風亭**

在漢陽縣北秋興亭東舊名寒廊宋知軍蔡純臣更名

**胭脂石**

**廟**

在孝感縣北六十里寰宇記有自生石屋古老傳胭脂石廟未詳其由

**鎖穴**

在漢陽縣

北輿地紀勝在大別山陰即孫皓以鐵鎖斷江處府志今山陰二石穴俱存

**石榴花塔**

在府城西一里明統志宋時有婦事姑至孝一日殺鷄為饌姑食而死姑女訴於官婦坐罪無以自

明臨刑乃折石榴花一枝挿地而祝曰妾果毒姑花即枯瘁若屬誣枉花可復生其後花果生人謂

天彰其災遂立塔花側以表其事

**馬骨坡**

在沔陽州東南寨宇記楚平王牧馬馬遺骨於

此坡大隱林在沔陽州南寨宇記郡國志云沔陽有大隱林又有小隱林南有磯山是漁父

所釣

關隘鐵門關

在漢陽縣東北明統志在禹貢磯旁吳魏相持用兵沔口於此設關為險九

里關

在孝感縣北魏書地形志東隨縣有黃峴關與地紀勝黃峴關今名九里關縣志九里關

在縣北二百三十里盤據山險最扼要義陽三關之一也大活關在黃陂縣北二百里東北

至光州二百八里西至安州禮山關一百里隋於北置關鎮舊志今有金竹關在縣北一百九十里

亦名金局關侯埠關在沔陽州東北四十里古范溉

市輿地紀勝在漢口巡司在漢陽縣北舊在漢水玉沙縣西北南岸後在北岸當往來

要道居民填溢商賈輻輳為楚中第一繁盛處明設巡司本朝添設巡司分仁義禮智兩司移本

府同知 沌口巡司 在漢陽縣西南三十里上接沔水漲時彌漫數百里最為險要明置巡司

國初遷於下蒲潭東去沌口三十餘里 蔡店巡

司 在漢陽縣西六十里明初置新灘巡司 在漢陽縣西南

一百三十里 劉家隔巡司 在漢陽縣北三十里唐

知軍事創設隔岸種荻後人因以名之其地卑下每歲春水彌漫秋冬始涸平原周廣四十里商賈

雲集明宣德六年 小河溪巡司 在孝感縣東北一百二十里路出武

勝關明置巡司今因之 馬溪河巡司 在孝感縣東南五十里 大城巡司

在黃陂縣北一百二十里舊在縣北八十里大城關今移兩河口 **沙鎮巡司** 在沔陽州

東北一百五十里地最要害 **茅鎮巡司** 在沔陽州東 **百人磯鎮**

在漢陽縣西南八十里明置 **濃河鎮** 在孝感縣西巡司後遷於東江陂今裁 **北九城志孝**

感縣有漯河東舊二鎮縣志漯河舖在縣西北四十里又舊鎮舖在縣東六十里皆即故鎮也 **沙**

**口鎮** 在黃陂縣東南五十里 **團潭鎮** 在黃陂縣西南二里其地有水可容舟楫商賈

集 **馬漚口鎮** 在黃陂縣西南四十里 **新堤鎮** 在沔陽州南設守備一員領兵戍守

**仙桃鎮** 在沔陽州東北九十里接漢川縣界又曰雞公灘 **白雲砦** 在孝感縣西南

白雲山路從黃草山入高峻險仄直如自天而下中頗均坦其前有礮架山明末邑人壘石為城避

冠於此入楊店驛在孝感縣東五十里西去黃陂縣七十里當往來孔道最為繁盛本朝順治十

二年買三家步店在孝感縣東三十里即三汊埠也新店在孝感縣東北

一百十里地險僻其南為二郎畝店相傳孫權嘗射獵於此團林埠市在黃陂縣東西

里白漢港市在黃陂縣北四十里巴林市在黃陂縣北九十里採桑市

在沔陽州西北三十里楊家河集在孝感縣西南四十里

津梁迎春橋在漢陽縣西三里永安橋在漢陽縣西三里官橋

在漢陽縣西六十里甌山橋在漢川縣東南十里甌山下新陂橋在漢川縣北四

十里大赤鄉廣濟橋在漢川縣北三十里劉家隔西高埠橋在孝感縣

東二  
十里

白沙橋

在孝感縣西北五十里

理絲橋

在孝感縣東北十里

駱駝

橋

在黃陂縣東二十里輿地紀勝魏人朱伐以駱駝載輜重墜橋下因名

甘棠橋

在黃陂縣東

陂縣東  
五十里

劉家渡橋

在沔陽州西十里

漢陽渡

在漢陽縣東

沌口

渡

在漢陽縣西南三十里

郭師口渡

在漢陽縣西十里

平塘渡

在漢陽縣

西二  
十里

漢口渡

在漢陽縣東北為九省要津

陽臺渡

在漢川縣東南一里陽臺

山下  
有堤

南河渡

在漢川縣南六十里龍門山下宋堯仲昇禦金人于此

安河渡

在漢川縣東北三十里

澗口渡

在黃陂縣南四十里

牛湖渡

在黃陂縣西南

五十  
里

舊鎮河渡

在黃陂縣西六十里

三江口渡

在沔陽州西三里

堤堰新豐堤

在漢陽縣西北二里為郡治北月湖必經之地

楊柳堤

在府城北二里

明知府蔡欽創召免溺堤明萬歷三十五年知府王宗本修因名王公堤中為石橋長二百七十丈

本朝

順治十一年重修高一丈三尺濶一丈八尺康熙八年又修築

湖壩堤

在漢川縣北二

十里明嘉靖中築自關前河至楊子港夾植以柳

吳公堤

在漢川縣東北舊名和公堤明

成化中都御史吳琛築因改名焉自縣東至戴山十五里又自縣北和公城至劉家隔十五里俱往來通

江堤

在沔陽州南一名長官堤起荊州府監利縣界至漢陽縣界長一百餘里

橫

堤

在沔陽州西南四十里北口長二百餘丈

百石湖堤

在沔陽州西北長十餘里

泗

腦堤

在沔陽州西北長二百有奇

班堤

在沔陽州西北四十里白湖村接安陸府西北

天門縣界

本

漢堤

在沔陽州北長萬丈

千工堰

在黃陂縣北四十里

灌田四十餘畝

陵墓漢黃香墓

在孝感縣東四十里窠字記鳳凰山有魏郡太守黃香墓

劉琦墓

在漢陽縣東北水經注魯山城中

有劉琦墓

晉朱伺墓在漢川縣東觀山

同卒墓

唐牛夫人墓

在漢陽縣西三里府志牛僧孺鎮鄂州時莫其妻於此

明尹良佐墓

在漢川縣西繫馬口

本朝徐勇墓

在漢陽縣西七里

吳正治墓

在漢陽縣小麥山康熙三十三年有

御製碑文

祠廟大禹廟

有二一在漢陽縣北大別山一在沔陽州城北錢桓鋪神農廟在沔陽州城北

令尹子文廟

在漢川縣西二里

桃花夫人廟

在黃陂縣東三十里唐杜牧有題桃花夫人廟詩即息夫人也

董孝子祠

在孝感縣治東明正統中建祠漢董永成

化中遷文廟東合祠唐張忬稱忠

孝祠

本朝順治十七年重建

諸葛武侯祠

在沔陽

陽縣

魯肅祠

在漢陽縣北元和志大別山上有吳將魯肅神祠

胡公祠

在漢

陽縣北祀晉吳奮家字記劉澄之永初山川記云魯山上有胡公祠

廣威將軍廟

在漢

川縣東南四十里祀晉朱伺

木蘭廟

在黃陂縣北七十里木蘭山與地紀勝即樂府所載

女子為男粧代父從軍者也人不詳里居姓氏木蘭縣南齊時置木蘭歌有北

按木蘭不知何時

征沙漠之事非宋齊間人可知歌辭類隋唐亦非漢魏人作前人已辨之矣廟因木蘭山附會無疑

縣志並妄撰其姓並屬無稽第由來已久故存之

**狄梁公祠**

在沔陽州東門外

**張**

**睢陽廟**

在漢陽縣南張王磯上祀唐張巡

**張昭烈廟**

在孝感縣治西與地紀勝

祀唐將張杵與張巡許遠同守睢陽者宋賜廟名曰昭烈

**李太白祠**

在漢陽縣治東南郎

官湖上

**二程祠**

在黃陂縣東魯臺山朱子有記

**六先生祠**

在漢陽縣治北鳳樓

山明統志宋知軍黃幹即山為屋館四方士立祠以祀周程游朱四先生正德中增祀楊時黃幹

**昌公祠**

在漢川縣東漢水上祀明知縣昌應會

**馮公祠**

在漢陽縣北大別山祀明

食事馮應京

寺觀太平興國寺

在漢陽縣北大別山唐建宋太宗太平興國年間奉勅重建因名又

名文殊院明統志舊名大別寺宋蘇軾嘗遊此作方丈銘寺前有柏樹俗傳大禹治水時所植府志

元末寺廢明洪武初重建歸元寺

在漢陽縣西二里本朝順治中建柏泉寺

陽縣西北四十里

陽臺寺

在漢川縣治後明統志舊名廣福

觀音泉寺

川縣西南寺前有古松二大十圍寺側有泉

廣化寺

在孝感縣東門外宋建

三山

寺

在孝感縣西北三山下

溝口寺

在黃陂縣西南唐建

木蘭寺

在黃陂縣西明

統志唐貞觀間建

古寺

在黃陂縣北六十里有上古寺下古寺俱在木蘭山

萬果庵

在漢川縣西內有銀杏一株高十餘丈大數十圍蓋唐宋間物也

圓妙觀

在漢陽縣西宋

大中祥符三年賜名天慶  
觀元皇慶元年改今名

會真觀

在孝感縣治東

天慶觀

在沔陽州北一名紫陽觀有  
三色柏宋徽宗嘗賜金字牌

欽定大清一統志卷二百六十一

欽定四庫全書

欽定大清一統志卷二百六十二

漢陽府二

名宦三國魏文聘

南陽宛人曹操定荊州江夏與吳接民心不安乃以聘為江夏太守

屢有戰功文帝立使聘別屯沔口止石梵槃吳有功遣後將軍封新野侯孫權以五萬衆圍聘於石陽聘堅守不動權去聘追擊破之在江夏數十年有威恩名震敵國吳不敢侵

唐張廷珪

河南濟源人開元中為汴州刺史在官有德化賈載至德中為汴州刺史未暮月而政和於訟

堂西構狄仁傑并州太原人太宗時復州刺史有惠政崔訢貞元中

史韓愈有送崔復州序謂崔君之仁足以蘇復人

五代晉郭延魯

沁州綿上人累

遭復州刺史廉平自厲民甚賴之秩滿州人乞留不許皆遮道攀號

宋梁延嗣

京兆長安

人初事高氏勸高氏納土太祖授延嗣復州防禦使因郭禮入朝太祖撫慰之曰使高氏不失富貴

爾之程通

河南人太平興國中知黃陂縣清謹逼人

張先

開封人天聖中為漢陽司

理叅軍歐陽修稱其臨事果決

程珣

河南人仁宗時為黃陂尉慈恕而剛斷

吳處厚

邵武人元祐中知漢陽軍有善政

張汝明

廬陵人神宗時簽書漢陽判官時官田法行受

牒按境內主者多不親行汝明躬臨閱實兩雪不渝以故吏不得通賕謝而稅均

游酢

建陽

人徽宗時知漢陽軍召郡中士子講明性理俾風俗醇美

曹彥約

都昌人寧宗初攝漢陽軍

事時金人大入彥約搜訪土豪得許高俾總民兵  
趙觀俾防水道黨仲昇使將宣撫司軍屯郡城彥  
約授觀方略逆擊金人自達死士焚其戰艦晝夜  
死戰以守禦功就知漢陽嘉定元年應詔陳言乞  
緩歲幣飭邊備

### 黃幹

閬縣人寧宗時知漢陽軍值  
歲饑糴客米發常平以賑制

為決勝之策  
置司下令欲移本軍之粟而禁其糴幹不從荒政  
具舉旁郡饑民輻輳惠撫均一願歸者給之糧不  
願者給廬居

### 趙郾

慶元間知漢陽軍事築堤  
置閘以除水患善政著聞

### 謝憲

子

端平中知孝感縣政尚禮教招集遠近士發明  
朱子之學時廣平儒者竇默避寇來依因得伊

洛性理之書  
以領士子

### 徐安民

淳祐三年知漢陽軍事出已  
資營繕城閭官舍壇壝又值

松杉榆柳三萬餘本於城內外曰十年  
後可以資官民用也其綜理周密如此

### 朱昂

潭州人淳

化時知復  
州有清節

**劉師道**

開封東明人真宗時知復州缺於吏事吏民畏愛之

**唐介**

江陵人仁宗朝以言事貶官量移復州後召還帝勞之曰卿遠謫以來未嘗以私書至京師可謂不

易所

**王琪**

華陽人仁宗時知復州民歐佃客死吏守矣論如律琪疑之留未決已而新制下凡

如是者  
聽減元

**張珂**

元符中知復州有善政張耒作詩美之

**萬俟卨**

大觀中知復州

公慎

**陳規**

安邱人建炎中除德安府復州漢陽軍鎮撫使鄧州守霍明奔劉豫以書招規

規械其使以聞李橫圍城造天橋填壕鼓譟臨城親率軍民禦之礮傷足神色不變圍急糧盡出家

財勞軍士氣益振橫遣人來願得妓女罷軍規不許會壕橋陷規以六十人持火槍自西門出焚天

橋以火牛助之須臾皆盡橫拔砮去

**楊文仲**

眉州影山人理宗時復州教授轉運使卽應飛

辟入幕明婦  
施子仁  
宋末知復州時元兵攻襄陽隨守張龜壽荆門守朱

揚祖郢守喬士安皆委郡  
翟國榮  
端宗時復州副將遇元兵戰艦

去惟子仁固守城陷死之  
元仇公度  
黃陂縣尹以清慎著事無大小斷決如流

克治  
開州人知漢陽府時郡縣新附人心猶惶懼克治宣布上德撫慰綏輯一郡向化

景亮  
南陽人由南恩知州陞沔陽府尹秦最於朝先是民間徭役不盡校田畝以為則吏得並

緣高下其手景亮始覈驗田畝以均之大小家咸便安之學政久弛諸生無廩膳廟像祭器有缺景

亮皆為之備  
張寬  
至正間守沔陽州有廉能聲歲潦請於朝給賑一郡生全

述祖  
象山人為沔陽府推官至正十二年斬黃賊迫州境述祖領民兵守綠水洪兵力不支沔

陽城陷述祖為賊所執械至其偽主徐壽輝所誘之降述祖罵不輟壽輝怒支解之有子方五歲亦

死事聞贈奉訓大夫明蘇恭讓王田人洪武初知

禮部郎中象山縣男

嚴而不苛每有重役輒詣上趙庭蘭和州人洪武

官陳說多得減省民愛其利初知漢陽縣

有幹局創建縣治民不告勞朝廷嘗遣使徵陳氏

嚴卒他縣多以民丁應庭蘭獨言無有民以不擾

王叔英黃巖人洪武時知漢陽縣多患政歲旱絕食以禱即雨既而雨不止復禱之即霽

龔巖崇明人建文時知孝感縣剛決徐述建德人無所曲庇脩行勞來所至見德永樂中

知漢陽府歲歉民艱於租論朱祐邵武人宣德中

開市得錢數十萬代民輸足知漢陽府府舊

無廩度軍民渡江輸於武昌陳惠鄞縣人正統初

祐奏請立倉府城民甚便之知漢川縣專尚

德化勸農興學士民德之  
**羅勉** 吉水人正統間知孝感縣精心

久  
**何淡** 順德人成化中知漢陽府築隄堰滋灌溉教民力農興起學校士多成就  
**沈熊**

浙江人成化中知漢陽府清靜愛民不通請謁  
**林堪** 莆田人成化中知漢川縣平易近民廉介

不苟公餘與諸生講論道藝日夕不倦  
**李恒** 儀封人成化中知黃陂縣歲饑盜起恒多方賑

濟招集之盜遂息縣初未知  
**董傑** 涇陽人宏治初畜羊種麥植桑恒咸教之  
知汙陽州時大

旱即開廩賑民復蠲其租甫三日以事逮  
去乃悉取賑券焚焉民感其惠泣送之  
**樊景麟**

新繁人嘉靖中知漢陽府水嚙城址景麟為堤以防之不欲勞民躬率隸役隨地斂石有時與家僮

共負巨石移署  
**昌應會** 莆田人嘉靖中知漢川縣募前轉運江岸  
當漢江下流歲患沉災應會

輕徭緩賦極意撫循景王出封安陸中官藉勢橫索應會力持弗與中官怒誣奏逮獄累月竟坐調

民思之為立  
**謝廷臣** 富順人嘉靖間知黃陂縣正祠漢江上已愛民舊多滯獄剖決如流

雖稚子婦人皆得以情  
**龍興** 海陽人嘉靖中知孝自達職即與諸生課講感縣會礦賊為患興

率民兵殲之修築  
**張綸** 朝邑人萬厯間知漢陽縣城民以無恐府刺盜賊毋待客擧其

貲而沉之江綸音嚴捕得數十人一  
**蔣以化** 常熟人萬日械集署門前悉杖殺之民得安枕

厯間知孝感縣政務寬平常巡行郊野召父老問民疾苦給牛種資其匱乏公暇進諸生講藝歲大

稔躬為糜粥舖之  
**余桂萼** 上饒人萬厯間知孝感道有節縣輒飲瘞縣會疫桂萼為擇醫施

藥民多全活復置地十餘畝葬民之死無  
**朱珏** 休所歸者修城池置學田輯縣志百度修舉

人萬歷中黃陂縣典史潔已執法專  
**張大治** 保錄  
人天

鋤豪右黃安臥尚書定向嘗歎美之

啟中知漢川縣始至故埸炯不振黠吏乘機欺之

月餘悉得其姓氏并奸狀一日復以事至大治屬

色訶之曰汝復來欺我乎歷數其奸得事各置之

法一豪民計奪鄰家地誣以盜縛送於官大治不

問但屬聲叱縛者曰汝何不獻地以解  
**孫光祚** 石

之豪民膽落服罪去一時驚以為神

人崇禎中知漢川縣獻賊犯劉家隔光祚率衆禦

之賊渡經魚灘乘其半濟擊之賊溺死甚衆自是

不敢犯縣故無  
**李鑑** 四川人崇禎時知黃陂縣時

城光祚創築  
流寇倡獮率衆數萬圍城三

日鑑嬰城固守民有訛言者鑑私取死  
**雍鳴鑒** 成

因斬其首懸之訛言遂止賊亦驚散  
都

人崇禎中知孝感縣縣為寇衝鳴鑒晝夜乘  
**趙元**

有

福建人崇禎末知黃陂縣饑且疫  
冠隲至元有悉力防禦城陷死之

夏統春

桐城

人崇禎末黃陂縣丞攝黃安黃梅皆有聲時全楚  
多陷賊至誓以死守凡十五晝夜城陷被執賊欲  
以為守統春大罵賊怒斷其右手復以左手指罵  
又斷之罵益勵賊斷其舌剗其目統春猶以頭觸  
賊逆支

薛聞禮

武進人崇禎時黃陂主簿值歲大  
祲之

解之

武進人崇禎時黃陂主簿值歲大  
祲之

千金輸之流寇至挾與俱去欲官之聞禮乘間  
脫歸率吏民攻賊賊復大至殺之罵不絕口

章

曠

華亭人崇禎中知沔陽州有惠政李自成寇沔  
奸民迎賊曠設計捕斬之賊稍退既而大至曠

且戰且守賊解圍去鄰  
郡皆恃沔陽以自固

馬颺

同官人崇禎末為沔  
陽州倅李自成攻城

颺迎賊城東殺賊數百人賊四集圍颺颺乃下馬  
短兵接戰力竭被執賊壯其勇敢降之颺怒罵賊

以槍洞其腹而死其僕馬駐石  
秀亦罵賊死事聞贈臨知府

### 本朝部炳元

長垣人順治進士知孝威跡時人民未  
集炳元加意撫循河南賊竊發乘夜襲

城死之妻馬氏幼  
衣百結亦罵賊死

### 趙一柱

餘姚人順治中同知汧  
陽州西山寇發殉節死

康熙七年贈知州

賜祭

### 人物晉朱伺

字仲文安陸人張昌之逆伺恥與同跡  
求割安陸東界別為潯陽縣遂為潯陽

人伺有武勇而訥率部黨滅昌後陳敏作亂陶侃  
署伺為左甄破敏前鋒敏弟恢稱荊州刺史在武  
昌侃率伺進討破之敏恢既平以功封亭侯領騎  
督隨侃討杜幾有殊功夏口之戰射殺賊大帥數  
人賊於水邊作陳伺邀之箭中其脛氣色不變賊  
潰追擊之死者大半加威遠將軍建興中陳聲斷

欽定四庫全書

卷二百六十二

江抄掠伺逸聲弟斬之圍聲於董城其黨新聲出降又平蜀賊龔高加廣威將軍領竟陵內史杜曾等陷楊口壘伺被傷賊養伺妻子唐張抃孝昌人百口遣人招伺伺不從還觀山卒為張巡

裨將尹子奇圍睢陽巡使抃請救於許叔冀叔冀不許城陷與南霽雲等三十六人不屈死宋

張錫

字旼之漢陽人進士甲科歷知南昌新州東明以治蹟聞李及薦為御史丁謂貶崖州議

還內地錫跪謂奸邪弄國本與天下共棄之今復還是違天下意由是止徙雷州王清昭應宮災連繫甚衆錫言天災反以罪人恐重天怒欲遂解累連至翰林侍讀學士判太常寺國子監錫淳重清約雖貴奉養如少賤時讀書老而彌篤張昌中漢陽人處家以黨仲

昇

漢川人寧宗時金人入境仲昇擊其砦幾千餘人中流失死事聞贈修武郎官其二子

汪

涯

字萬頃漢陽人賈似道督師延為賓客元世祖

曰咱人以利而退其師又欺主上何露布為似道怒提殺之

元景厚

字德載漢陽人領鄉

薦至京師中書左

明丁普郎

黃陂人太祖時為行

丞許有壬師事焉

拒家院同知數有戰

功從太祖與友謀戰於鄱陽湖自辰至午普郎身

被十餘創首脫猶執兵若戰狀植立不仆敵驚為

神贈濟陽郡公

唐宗

孝感人洪武中官江西右參

立廟祀康山

議廣明平恕致仕家無餘貲

御史徐瑛造之獄隘不容騎從屬縣令廣其居宗

力解之曰予在里中不能忍人之急而又奪之使

不有寧字

戴景文

字希敬漢陽人洪武中舉於鄉

乎遂止

擢寧府伴讀景文以輔導自任

動規以正遂與世子不合不數月解組年  
甫四十棲隱三十年授徒講學力田自給  
歐陽謙

字伯益沔陽人洪武中監察御史優於文學所著有滄浪集

**虞信**

字尚忱沔陽人永樂中監

察御史有直聲歷四川山東按察使

**張瓚**

字宗器孝感人正統進士歷工部郎中出知寧波府

中官怙勢賄貨瓚疏劾之其黨皆伏罪巡撫四川討平苗亂奏立安寧宣撫司遣戶部左侍郎督漕

巡撫鳳陽

**程昂**

字文軒孝感人其五世祖希哲自元季居宏樂鄉至昂五世不分治

卒於官

家務遵禮法宏治中旌表

**王琰**

字廷用孝感人成化進士授戶部主事勵風節不屈於權貴弘

治時外戚壽寧侯張鶴齡奪河間民田琰同侍郎許進往案琰據法奏覆戚畹側目正德中歷山西

布政時中官劉瑾用事瑾父葬冠蓋莫送相望同列強之往琰曰吾體骨不媚終不能濡跡權路弗

往瑾深銜之坐以他故免官歸及瑾敗臺官疏薦起御史未仕卒

**劉鈺**

字世美沔陽人成化

進士督課九江羨餘悉貯府庫

**劉奎**

字文瑞孝感人性孤介剛

後知常州處州二府志有善政

峻宏治中授廬州府同知時武宗南巡江彬等作威福奎攝邳州事不為禮彬銜之調永寧同知辭

免歸逮遇雨逆旅人秦氏椎牛具享入其堂有秦槍像奎怒起曰吾幾為造次所誤時徒御已休冒雨去

**戴金**

字純甫漢陽人正德進士世宗時擢御史揭立敢言與黃梅石金同表儀朝署

時人目之曰楚有二金臺

**朱衣**

字子宜漢陽人正德進士授御史清

中錦錦歷官至兵部尚書

軍江北值大饑人相食衣使宜賑濟全活甚衆是時方爭大禮世宗召羣臣議門下衣直言忤張璠

**童承叙**

字士疇沔陽人正德進士才具敏贍家居

却其餽遺經筵進講以用正人端國本為先肅宗嘉之後為國子司業與閻中呂柟呂明正學圓橋

門者 萬計 朱寵

字德承漢陽人嘉靖進士以治海門課績第一擢御史既入臺適嚴嵩柄政慨

然草屨欲勅之未上而父卒乃痛哭扼腕去與漢川張緒講求理學家貧至糧絕弗顧學者稱為漢

水先 生 張緒

字文綸漢川人嘉靖舉人受業安福鄒守益歷官戶部員外郎與耿定向羅汝

芳講學不輟當事惡之謫官稍遭知德陽縣告歸室廬蕭然布衣脫粟晏如也學者稱為觀山先生

嘗與大學士張居正同居居正柄國欲用為知府緒正色曰予奪在天子可擅威福乎及卒鄉人私

諡曰 鄭佶

黃陂人孝友篤行剛直不阿嘉靖中為豐城知縣時嚴嵩用事佶無所徇改商

介爾 城擒劇盜遭大理評事會給諫吳時來主事董傳策珣擊嵩時來等下獄或屬佶致之死佶曰殺骨

鯁臣以媚權倖謂天下後世何守雲南繩黥國公沐朝弼以藩臣禮謫判通州禦倭寇有俘獲功後

守尋甸歸休餘患分  
給三黨家無長物

**王霽**

黃陂人操履端潔父早  
卒事母至孝嘉靖時知

吉水縣守保寧推雲南按察使皆有治績以太僕  
卿致仕歸吉水羅洪先最慎許可獨重霽顏其堂

曰清

**方一鳳**

字丹山黃陂人受業於羅欽順以樹  
人善俗為已任士有就正者教以切

已自反還

**唐希臯**

字子謨孝感人師事錢德洪以  
歲貢授興國知縣治尚教化歸

善改過

里置求仁館聚眾講學嘗曰吾與親友子弟為遷

善改過之學雖桑榆之景無多亦庶幾古人得正

而斃 **程學博**

字近約孝感人嘉靖進士授工部主  
事遷知重慶府清嚴剛直於郡治前

構屋設竈以居質訊者決獄不淹時案無留牘白

蓮妖衆倡亂學博殲之累遷貴州參議平東川烏

蒙烏撒蠻還雲南兵備副使擒下

**尹良佐**

字志伊  
漢川人

直諸寨賊擢行太僕寺卿致仕

隆慶進士座主張居正才之欲令其子從游許之  
館選良佐不肯赴居正銜之就常調為龍川知縣  
撫平山寇調丹陽以最聞召拜御史侍經筵條上  
治河封事巡按河東督理鹽政奏濬大小二池以  
疾歸踰

**尹應元**

字乾泰漢川人萬曆進士累官會  
都御史巡撫山東時太監陳增以

年卒

礦稅為民厲誣坐益都知縣吳  
宗堯應元奏劾之宗堯遂得免

**蕭良有**

字漢冲漢  
陽人萬曆

進士授編修時有三王並封之議良有上疏固爭  
遭國子祭酒教士以李時勉陳敬宗為法弟良譽  
亦負時望視學河

**王一凱**

字君華黃陂人游於耿  
定向之門講學二十年

南時稱二蕭云

歷知武康崇德二縣遭西安府同知皆有聲以病  
免邑令慕之造其廬贈一紙書八人姓名一凱曰  
此何人令曰盜也可得百金為公壽耳一凱曰真  
盜法應不赦非盜情則可矜二者之間何以教之

令慙  
而退 **胡天起**

字仰文黃陂人為程朱之學不競時名萬曆十六年歲大祲傾所有以贖

親族其貧不能婚葬者助之道拾遺金揭榜還之初無子悉以田財分給其姪晚而舉子置舊業勿

復問子明  
垣成進士

**黃彥士**

字抑美黃陂人萬曆進士官御史會有孝定太后之喪贊神宗

行三年喪示後世法神宗是之光宗踐祚上言十

一事熹宗立復上講學疏巡按河南未發見潞藩

稅監橫杖其黨數人請立 **孫世恪**

字貞伯漢陽人萬曆舉人天啟

撤稅監卒以抗直左遷歸初官國子學正楊建勳魏忠賢世恪同祭酒蔡毅

中等亦具奏言忠賢罪不可赦忠賢矯旨切責毅

中旋引去 **沈惟耀**

字斗伯孝感人以貢入京師楊世恪亦歸建出都門人莫敢餞惟耀獨送

於廬溝以少女字其子而別明年建死詔獄 **陳家**

棟

字巨任黃陂人初游京師楊璉以勅親忠賢尸於朝親故莫敢收家棟獨往枕尸哭綏騎欲捕

之家棟感以大義卒收其尸去尋以國子生授建寧府經歷不以官卑廉節操

李若愚

字

公漢陽人萬厯進士選溫州府推官天啟中舉卓異赴考還揭璉者指為楊璉死友署下考久之遭刑部主事因天早陳言請誅親忠賢并許顯純等以慰忠魂累官浙江參政歸崇禎時起太僕寺卿

不程註

字爾雅孝感人萬厯進士厯官禮戶吏三科給事中時客親子弟世襲錦衣註秦世

職太濫引祖制以裁之不報於是婦寺惡之削其籍令養馬值役崇禎初起大理少卿累遭刑部侍

郎秦聚奎

字仲默漢陽人萬厯進士天啟中厯官順天府尹時親忠賢子良弼封侯開府

議毀陰陽學以廣其居聚奎疏言事關國體不敢奉詔觸忠賢怒奪職歸後徵拜太常光祿太僕諸

卿皆不赴

### 王立益

黃陂人事繼母以孝聞自置產分兄弟子族人因獲後鬻田代償嘗獲偷

兒與之酒食化導之偷兒痛哭改行

### 王家賓

字獻叔漢陽人父卒廬墓三年天啟中官陝州

知州巡撫檄逮魏忠賢生祠家賓投筆歎曰死無以見楊大洪於地下不奉檄大洪都御史連字也

尋被勅罷

### 王道直

字履之漢川人天啟進士授保定府推官勤直不阿知府欲建魏忠賢祠

道直持不可崇禎元年擢御史厯官左都御史掌院事莊烈帝書名御屏注曰小心謹慎後謝病歸

### 陳致中

字正吾黃陂人隱居桑田蘭山間不入城市四十年長子堯道聘劉氏女壻而姦女

父母請別娶致中曰棄婦不仁毀盟不信何以示子孫即迎歸父八旬遇寇見執致中護持父傷左股寇曰烈士也扶而去之

### 程良籌

字持卿註子天啟進士魏忠賢擅國以父故削籍崇禎元

年起授行人遷吏部員外郎六年流寇陷荆襄良  
葛同參政夏時亨立誓白雲山起義與戰四十日

卻走之遂引兵克復孝感感雲夢後鄧謙字少子孝  
兵潰被執不屈死事聞贈太常卿感人崇禎

進士授大理評事歷山東糧儲副使十二年大  
兵下德州謙與叔父有正俱死之一門從死者四

十六人謙於本朝乾隆陳壽字伯龍黃陂人居  
四十一年賜諡忠烈父喪日夕不離苦

泣流寇至見壽守棺不去疑有財貨將斫棺壽跪  
泣曰寧殺我勿驚先人賊義之獲免經累虛象昇

聞其事曰忠孝一揆此人不可失羅致幕下後告歸壽終熊祚延字祈公孝感  
可失羅致幕下後告歸壽終熊祚延字祈公孝感

居家孝友好施與里中貧不能婚葬者嘗驚座以  
應流寇至避亂白雲山中賊大舉來攻率衆禦之

會風覆晝晦士卒相失以十餘騎從間道陷泥濘  
中被執罵賊不屈死本朝乾隆四十一年

予入忠義祠

### 吳暢春

字梅初漢陽人為潛山天堂寨巡檢崇禎八年流寇蔓延暢春謂天

堂雖小鎮賊所必爭造器械積糗糧募勇敢士奮誓死報國於衣褐間史可法傳兵安慶知暢春賢

馳札勞曰官有崇卑忠義無兩暢春太息曰士為知己者死況國事孔棘乎一日賊百人誘戰暢春

追至梅家寨伏兵四起暢春力鬪手刃數人力屈被執賊逼降之暢春大罵不屈死可法白其事得

卹蔭

本朝乾隆四十一年予入忠義祠

### 傅可知

字伯求黃陂人幼為諸生喪父廬墓

三年六十喪母啜粥亦三年嘗道拾遺金坐待其人還之崇禎十六年賊至令養馬曰我為士人數

十年肯役於賊耶延頸就刃死

本朝乾隆四十一年予入忠義祠

### 程道壽

字應正孝

感人以歲貢生授來安知縣旋告歸崇禎末賊陷江北諸郡邑道壽結鄉勇抗賊後被執令為書招

降白雲山義旅道壽罵曰吾不能助義軍滅汝肯招之乎賊恚殺之事聞贈太僕卿 本朝乾隆四

十一年

子入忠義祠

**劉成治**

字廣如漢陽人崇禎進士歷官戶部侍郎明亡自經死

本朝乾隆四十一年 賜諡節愍

**傅如圭**

字元錫孝感人崇禎中以保舉授知縣未仕移

家武昌流寇陷城與子邦霖邦甫同殉節死如圭於 本朝乾隆四十一年 賜諡節愍

**舒**

**顯應**

字孟錫孝感人官鳳翔知府移家武昌城陷死之 本朝乾隆四十一年 賜諡節愍

**熊烈獻**

字無競黃陂人以貢生通判濟南時流寇紅烈獻調兵食無缺後城陷殉節死之

**劉申錫**

字爾受孝感人天啟舉人明末寇亂立誓二節保聚皆破罵賊死事聞贈知州

本朝乾隆四十一年

**譚德化**

字君明黃陂人性孝友父疾嘗羹為驗兄

予入忠義祠

被誣繫獄德化以身代事卒白友人遊蜀三年不  
歸給其家薪米逢遇凍餓者垂斃負之歸給衣食

後為流 **朱日薦** 汚陽諸生流氓至率鄉兵拒  
冠所害 賊斬首數十被執支解死 **蕭鳴**

**霄** 漢川人崇禎時武舉巡撫宋一鶴辟為參軍殺  
賊有功授辰州府參將弗就家居寇至圍城鳴

霄力戰卻之 一城獲全 **喻甲** 孝感人明末流氓至甲乘城飛  
一城獲全 巨石擊賊賊遁縣人勒石銘功

**蕭芳** 黃陂人母吳氏守節撫孤後有疾  
芳剗胃以療人稱其一門節孝

**本朝張士彥** 字恢浩漢陽人性至孝母病衣不解帶  
置義田以贍其族明末賊就撫為兵者

皆得乘馬郵傳苦之士彥鬻產買馬以供流寇為  
患士彥置水陸二營俾民保聚至 本朝以壽終

**熊伯龍** 字次侯漢陽人順治進士第二授翰林院  
編修歷官侍讀學士性孤介砥礪名節在

館閣二十年文章推重當世好汲引後學精於藻鑑主試浙江督學順天及官祭酒多所識拔年五

十三

**朱天慶**

字開子漢陽人明末流賊陷城天慶

卒

孤甥被掠天慶徒步走九江穿重壘求夏元瑞字

之以歸至

本朝貢生需次未仕卒

**夏元瑞**

字

伯孝威人嘗拾遺金還其人後又有鬻幼子而遺金者元瑞為償之賸運流寇所掠婦女數十人歲饑煮糜粥所活無算又運米池國鼎

於湖南賑饑家竟以是貧窶

**池國鼎**

孝感人年八歲值明末寇

亂其父他出祖母王氏年八十不能行家人各奔散國鼎獨依祖母不去賊以至身障祖母劫以刃

傷首不為動賊義而釋之至本朝**黃文旦**字敬

以貢生仕至蒲城令母喪哀毀卒

**黃文旦**

字敬

威人博學篤行嘗客江右值金聲桓作亂欲招致之文旦夜踰城遁脫歲家益貧以文史自娛**彭**

**大壽**

字松友孝感人究心理學採先儒語錄參考經傳訂輯成書又輯朱子家禮及邱濬所載

定者斟酌時宜取可同行名曰過禮書授徒於雲夢遂家焉適近問業者踵至當事欲見之以老解

卒無子門人

**劉承謨**

字君顯沔陽人順治中知臨高縣海寇陷城不屈死贈廣

**賜葬祭**

東按察司篆事廕子

**吳正治**

字廣菴漢陽人父品有孝行正治順治進士由翰林

侍講歷官江西參政歲暮單騎行部按獄其非法淹繫者悉釋之遷陝西按察使誅巨猾民皆稱快

晉刑部侍郎釋江南無辜諸生二百餘人議奉行赦款宜違禁狀外指攀皆切中機宜還督捕侍郎

時奸宄借逃人肆毒每誣及平人正治奏請除十家連坐之令還禮部尚書典禮多所考正拜武英

**聖**

祖問此因尚可活否衆皆以情實對正治獨曰

欽定大清一統志

欽定大清一統志

十四

皇

上好生之德臣等敢不奉行退而細檢果得可珍  
狀遂從末減後以太子太傅致仕卒諡文穆

李昌

祚

字文孫若愚孫順治進士由翰林檢討出守河  
北大興水利累遷大理卿盡心平反時鄺陽民

衆衆祈雨誤賊長吏有司以謀叛聞昌祚平心  
之置為首者於法餘悉釋免廣東諸生父為人  
死會赦免生擊殺之法司議抵罪昌祚授復仇議  
末減山東逆案株及無辜昌祚覈實省釋者無算  
以養  
母歸  
熊賜履  
字敬修祚廷子順治進士官檢討館  
閣著作皆出其手康熙中歷官學士

上書數千言悉

嘉納之遷掌院事知經筵進講弘德殿拜武英殿大學士

尋罷歸二十七年

召拜禮部尚書遷吏部三十八年復入閣四十二年乞休卒

賜諡文端賜履八主文衡

世祖寶錄兩朝國史政治典訓北征方略孝經衍義朱子

全書明史皆充總裁官潛心理學所著姚締虞字歷升黃陂人

有學統綱道劄記及文集若干卷

祖定事母至孝讀書馬鞍山雖大風雨必歸省

不敢有間締虞順治進士任成都府推累究獄

改知安化縣捐俸代輸逋賦擢給事中歷會都

御史巡撫四川禁絕苞屬吏敬畏無敢妄行

### 程正言

字納菴孝感諸生少孤事母以孝聞讀書過目不忘待兄弟友愛無間有故人子無

歸訪給田宅人咸義之子大純好學敦行桓

由貢生官黃岡教諭要訓士類多所成就

葉封

字井叔黃陂人順治進士官主事博

學工詩興新城王士正等號十子

羅誥

字八書孝感人

順治進士以母老徒步歸養不仕孜孜講學聞

遠近有同志者芒鞋襪被往訪求之年五十卒

項

### 一經

字韋菴漢陽人順治進士知建德縣土寇竊發率衆平之民間生女多不舉一經為文勸

誠其俗乃革歷汝南道副使汝俗役夫悍橫凡喪娶索重賞乃行一經嚴懲之於是吉凶禮咸遵舉

官至貴州

**武之亨**

孝感人順治進士知鳳翔縣撫按有法給牛種免荒糧邑人德

之擢慶陽府同知土賊嘯聚之亨率

**張仲璜**

字半玉漢

衆討平之後官至陝西提學僉事

陽人由貢生授梧州府同知大蒼山巨盜

**黃儀**

元登敷為民害仲璜計擒其魁餘黨解散

漢陽人父金階以孝行著康熙四十四年

承父志益敦本行父歿貧不能葬守柩哀號及葬

廬墓三年夜有巨蟒護之所植瓜皆一蒂二實及

母卒哀毀如居父喪時觀者流涕雍正元年

金階父子純孝時人

**曾思謀**

漢陽人性至孝夏遇

名其所居為孝子里

謀獨負父行賊執其母思謀乞以身代賊斫其臂

思謀哀懇不已賊義而釋之母卒未葬鄰人延其

室思謀撫棺號痛不去比火熄前後俱燼惟停柩之室獨存既葬廬墓三年父遠疾思謀中夜虔禱

果瘳以侍疾勝痺卒雍正九年

旌

妻彭氏守節奉舅雍正八年

旌

王戩

字孟毅漢陽人

博學工詩古文解著

蕭効用

漢陽諸生蕭堯家僕也巨猾孫景三劫堯

突里聞集數十卷

家金逮捕急聚衆夜至堯家手刃一老嫗遂誣

堯家殺人論死值巡按大猷効用列冤狀自刎於

堂上以明主不殺人

事得平反景三坐罪

流寓漢董永

青州千乘人奉父徙居安陸殁

董黯句

章

人事母孝比隣有王寄者母以顯能孝諷寄寄忌之伺顯出辱其母顯恨之及母死斬寄首以祭母

自陳於官和帝詔釋其罪且召拜郎中不就

宋張耒

淮陰人紹聖初謫監復州酒稅嘗攜

鴻軒於復後判黃州

**元李孟**

上黨人徙居孝感生而敏悟獨懷有大志

通貫經史遠近之士多從之至元三年拜中書平章政事同知樞密院卒諡文忠

**察罕**

西域

板勒純城人仁宗時官平章乞歸居孝感白雲山別墅以白雲自號人多稱其長者

**薩天錫**

蒙古人僑寓孝感博學

能文登泰定中進士

**烈女宋汪涯母**

漢陽人涯以忤賈似道撻死母曰汝死於忠我則不辱可以下報先君矣

亦自況於江

**元武僉事妻陳氏**

漢陽人夫卒恐父母奪其志以墨自刺其面為

痛念夫情四

**明劉養恬妻易氏**

孝感人字養恬未嫁養恬卒易往事

姑姑卒葬

**王備武妻梅氏**

黃陵人夫卒遺腹生子正德中流寇入境被執

不屈毀其面  
年六十餘卒

**朱國臣妻馮氏**

黃陂人早寡富人強欲娶之馮斷髮焚其

居得免有司坐富人罪而旌其閭

**萬一洵妻丁氏**

黃陂人夫卒家貧以女紅易食

哺姑與遺孤而自啖糠覈姑歿以毀卒

**王某妻石氏**

漢陽人夫卒時有一子又有遺

腹未生富民某百計謀娶之不從一日石舟遇南湖富民於湖中劫之石抱其子投水死家訟之官

誅富民為烈婦立碑

**張一魯妻黃氏**

漢川人一魯亡黃僅十六歲父憐其幼改聘涂

姓黃聞之自經檣許氏救之尋自刎懷楊氏奪其刀得不死縣令聞之加旌獎復其繼後歲給帛粟

**陳家棟妻劉氏**

黃陂人從夫至京師魏忠賢殺楊連劉曰忠臣也贊夫叔連屍子世

昌為九江小吏值流寇張獻忠入犯劉謂世昌曰戮力勤王庶不負所生世昌遂募健兒千人直搗

賊營獻忠逃入夔州事聞擢世昌為  
總兵官封劉氏夫人卒年八十九

袁三才妻龐

氏

黃陂人三才醢酒不務恒業謀質龐於  
富家龐知之泣曰我雖死不辱遂自刎

袁子傑

妻熊氏

沔陽人年二十四夫亡  
守節終身永樂中旌表

馬把攬妻王氏

沔陽

人把攬從軍亡王年二十  
五守節至死永樂中旌表

吳景妻任氏

沔陽人年二十五夫

亡守節訓子姑患痺痺與同寢處左右抱持抱每  
焚香顯天乞以自代姑歿蔬食終身弘治中旌又  
同州吳紀妻高氏胡某妻張氏諸生張庠女曾  
聯妻郭氏陳之蓮妻費氏俱早寡誓死守節

郭

方煜妻陶氏

沔陽人夫死撫前妻子守節  
歲餘藜藿不充苦志不移

趙鉦妻

鄭氏

沔陽人鉦疾將死回視鄭瞪目不瞑鄭曰君  
得毋疑我乎即自經於床榻鉦少甦回盼出

淚而絕

黃日芳妻陳氏

汙陽人日芳令震邱崇禎八年流寇突至城將破陳抱妻

雲氏所生子界老嫗俱出又顧李氏曰吾無德於汝當舍我去李泣不去同往治後赴水死

蕭

維芹妻朱氏

汙陽人維芹為諸生崇禎中為流寇所執朱給之曰書生安用不如舍而

獲我賊釋其夫與子朱度遠去乃同女蕭氏媳張氏范氏並躍橋下死里人稱為蕭家四節婦劉

公漾妻郭氏

汙陽人公漾為御史賊陷汙陽郭拊膺長歎曰家貲不足惜惜吾既老與

賊共生也赴水死

羅承慈妻劉氏

汙陽人年二十夫卒子國綸生僅一月家貧紡

績養姑足不履庭戶者二十年賊入汙陽劉抱夫木主與家人訣賊至罵賊死譚德化妻

楊氏

黃陂人崇禎八年流寇至獲之複壁中大罵引刃死

譚忠義妻黃氏

黃陂

人崇禎八年賊突至隨姑匿夾室中為賊破壁取出姑被害黃奔河水淺不得沒賊以亂石擊之頭腦盡裂不起賊怒以矛刺之身無完膚死

**李國祚女**

漢陽人流賊警倉卒出走遇賊欲污

之女且却且走身被數創至馬家湖邊終不可犯遂見害賊既去得其屍於湖中表裏縫密握拳透

爪面色

**魏晉封妻吳氏**

漢陽人晉封卒百日如生

**仲烈**

**女**

湖州人隨父賈漢陽城破賊大索婦女執仲烈

乃露刃迫之仲叱曰我豈畏死者遂見害

**汪卷妻徐氏**

漢陽人姑病刺肝救愈漢川尹

大任妻龍氏

**王烈女**

漢川人許嫁未行

**羅瑚女**

漢川

人年十八為賊所執以手觸地取石自破其腦血流滿面賊怒殺之

**程正遇妻劉氏**

孝感人崇禎十年賊至被獲出創刼之不從賊曰  
吾將殺而父母及而子職而同類哀環泣而勸之

劉引頸曰疾殺我賊  
怒殺之釋其父母去  
**王某妻向氏**  
黃陂人為賊所執持刀脅之向

曰我死不屈  
奪賊刃自盡  
**丁伺妻彭氏**  
黃陂人夫卒無子家貧事姑盡孝兄欲奪其志

終身不至兄家及  
卒隣家憐而殮之  
**劉應景妻邱氏**  
孝感人為賊所執辱逼不從賊

曰不從將刃汝邱曰我得死幸耳官兵旦夕至若  
求如我可得哉賊怒以油漬其衣束於木而焚之

**胡敬妻姚氏**  
孝感人崇禎末李自成分兵陷孝感  
姚避亂南湖賊掠舟將入湖姚曰賊

至必辱辱而後死  
矣遂攜二婢投水死  
**張聲妻陳氏**  
孝感人避亂萬金湖賊至羣赴

水賊呼諸婦起曰起則生陳獨不起賊往援之罵  
曰死耳若何敢手我衣賊怒擊之陳抱其子入深

水死 丁之鴻妻宋氏

孝感人之鴻避賊湖濱賊至宋呼其姪劉與女甥曰吾與爾皆

婦人豈可為賊刃所污相率投水死

楊某妻唐氏

孝感人唐某女字楊未嫁被賊執掖

之上馬仆地不從刃脅之罵不絕口見殺時

王維

侃妻余氏

漢陽人崇禎末兵亂夫婦俱為所掠余給兵釋夫遠去乃引頸就刃維侃感其

節終身不娶

李友桃女

漢陽人左良玉兵叛女知不免預自約束凡衣裾間無不重複

細綴賊至驅挽入舟將犯之女給賊登岸即赴水賊怒引所佩刀殺之數日屍浮水面如生

王

明儉妻成氏

漢川人左兵南下與妾唐氏伏入池中恐不能免結帛相縊而死

李

正開妻駱氏

漢川人為左兵所掠賊眾持刀逼之引頸受戮罵不絕口死

周諏

母何氏

漢川人被左兵掠獲以手爪幾面兵怒斷其手足死

王旦生妻程氏

漢陽人旦生崇禎中副榜入京師流寇至程赴水死

郭興妻張氏

漢陽人興景源為流

寇所執欲殺之張請代遂見害

熊鳴盛妻任氏

江夏人太平守節遇流寇被害女亦

從死 易可久妻陳氏

漢陽人無子勸夫納妾生子兆

死 周烈婦

漢陽人為流寇所掠欲犯之周毀賊面為賊所殺

李珠妻徐氏

漢陽人攜女避亂櫛山寇突至欲犯之俱不從並見害

羅漢鼎妻喻氏

漢陽人為

左兵所掠抗節死

劉對生妻李氏

太僕若愚次女李自成南適肆掠李自沉於水

子樹範樹駭從母死

杜皖妻吳氏

漢陽人流寇至語夫曰少緩死無及矣遂投水死

馬呈祥妻楊氏

漢川人夫卒小祥日自經死其姪敦義卒敦義妻殷氏亦於小祥日

自經死有司表之曰雙烈

曾烈女

漢川人未嫁為流氓所掠罵賊死

羅某妻胡

氏

漢川人白賊掠蔡店胡為所獲罵賊死

張采妻萬氏

漢川人婚數月值左兵肆

掠投淺塘中以首埋入深水死

袁遵妻張氏

黃陂人李自成南竄關門被掠張及子婦

既氏女袁氏俱罵賊死

王立郁妻涂氏

黃陂人遇流氓於複壁間賊搜得涂噓賊

斷指賊怒刃之碎首屠腸而死

周伏受妻江氏

孝感夫人夫卒楚王旗授欲占為妾自

沉漳湖死

沈時鼈妻易氏

孝感人字時鼈夫行夫卒自經死

陳可化妻

郭氏

孝感人可化出游久不歸皆言已死強暴欲強娶之自經死

陳于王妻郭

氏

孝感人夫早卒絕粒死

楊洪柱妻萬氏

孝感人字洪柱未行聞夫卒自經死

徐遷繼妻席氏

孝感人遷繼為武昌典史運餉卒於邊子甫數歲席扶櫬歸禮祭一

恻而卒

唐在衡妻湯氏

孝感人生子三月夫卒撫孤為諸生娶婦生孫忌日設奠

一恻而卒

胡自聖妻黎氏

孝感人夫卒既葬自經死

高文煥妻乾氏

孝感人夫死守節李自成陷城扶後園池中死

程良孺妻傅氏

孝感人良孺分司鳳

陽倉流寇陷城傅懷勅印匿署左空屋賊焚屋搜匿傅額中刃復截一指死而勅印不失事聞旌表

程正揆妻舒氏

孝感人良孺子婦隨夫省親寇至死之

唐烈妻陳氏

孝感人流寇至義不受辱為賊所害同縣范允公妻沈氏魯近遠妻顏氏魯之筆妻孝氏俱寇亂完

節 彭煥妻胡氏

孝感人明末隨夫避亂黔陽會王進才作亂被執強之渡河不可罵

賊被斫身無完膚 一子一女同死

黃氏

孝感人其夫張挺然降白賊為偽掌旅黃泣止之不

聽賊令挺然挈婦為質黃逃入青山岩挺然破岩焚故居黃逃匿愈深竟不可得挺然寄子金簪子

以館髮黃曰賊物也拔棄之後挺然未知死所黃撫子成立以節終

本朝熊正筍妻王氏

名希貞漢陽人事舅姑極孝正筍歿王欲殉姑謂之曰汝猶吾

女也既失子又失女吾將安歸王起執喪適數年舅姑卒王不食死

王文綸妻田氏

漢陽人年十七適文綸文綸卒視含殮訖自縊死

劉以勳妻夏氏

孝感人以勳卒

自縊 死

熊祚延妻李氏

孝感人大學士賜履母也祚延死於賊李撫孤成名既貴

猶衣布素自課女紅痛夫慘死終  
身無歡喜容康熙二十三年旌  
**陳叔理妻向氏**

孝感人年十九夫亡守節事姑孝姑患癰以舌舐  
之而愈同縣葉菁妻宋氏夫卒姑疾割股以進乃

痊守節四十餘年俱  
康熙四十四年旌  
**胡世珍妻朱氏**  
漢陽人世珍卒遭明末寇

亂賊脅以刃不屈被創次日  
乃甦康熙三十二年旌  
**楊廷錫妻彭氏**  
黃陵人年

十八夫亡子殤母家欲奪其志彭斷指自誓撫從  
子承祧康熙五十四年旌郭如玫妻羅氏孝感

人亦斷指守節孝事  
舅姑雍正元年旌  
**程天成妻萬氏**  
漢陽人夫早卒孝事孀姑

家極貧食野菜冬無複  
衣康熙五十六年旌  
**吳大申妻潘氏**  
漢陽人夫亡無子自

經死  
**徐日迪妻鍾氏**  
孝感人夫亡值歲饑數日不舉  
火或勸其改志鍾曰古人云餓

欽定四庫全書

欽定四庫全書  
卷二百六十二

三十二

死事小失節事大寧作徐氏餒鬼也後  
熊志洛妻  
擣子鬻餅餌以為生雍正元年旌

吳氏

大學士正治士夫亡無子欲立從子為嗣宗人未許吳哭於熊氏之廟三日不食乃以紹

祖祠事姑孝親為吮  
雍正元年旌

江德滋妻宋氏

漢陽人字德滋未行守節

以歿雍正元年旌

曾曰忠妻楊氏

漢陽人夫卒無嗣為夫弟娶傳氏生一子弟復

張楊與傳俱守節楊氏雍正七年旌

張坦咨妻董氏

漢陽人幼字坦咨未幾坦

咨嬰惡疾兩姓願寒盟董氏以死拒歸  
張五年夫卒守節終身雍正七年旌

蕭文起妻

王氏

漢川人夫卒樞在殯鄰火將及室王守棺號恸忽反風滅火守節四十五年雍正七年

旌  
劉弼賢妻高氏

漢陽人姑痼疾不能興高以口哺食久而不懈夫歿守節五十

年雍正九年

李邦有妻俞氏

仁和人寓漢陽字漢陽李邦有未行邦有卒俞

絕粒死遺言附夫墓舉棺至墓所忍墓圯棺見遂合葬焉

高爾鳳妻李氏

漢陽人夫

卒守節四十六年夫黨盡絕歸養母氏萬孝

胡世鍾妻沈氏

黃陂人夫卒守節事

姑孝姑病到股以進姑夢神告曰汝當死以汝婦孝當延三歲已而果然

李端妻黃氏

黃陂人字端未行端卒黃誓死守節姑為立嗣復致哭泣喪明絕粒死

楊烈女

漢陽人年

十六字王氏子夫溺楊奔至所沉淵亦溺死

廖愈妻李氏

漢陽人字廖愈未行愈歿

自經死康熙中旌

劉可鈞妻戴氏

漢陽人年十九夫亡守節又同縣劉芳京妻黃

氏劉乾祐妻王氏徐珩妻張氏胡澤遠妻尹氏金祖勳妻馬氏吳正國妻張氏劉士班妻蔣氏吳自

試妻李氏許玉奎妻蕭氏李元伯妻楊氏劉王麟  
妻高氏羅熊妻李氏羅湛妻王氏郭應斗妻張氏  
劉芳踪妻王氏何經良妻徐氏易茲敏妻王氏尹  
正言妻余氏郭之仁妻魯氏蕭宴春妻熊氏曾於  
潘妻親氏吳煒妻程氏羅以愷妻胡氏汪能哲妻  
張氏胡廷正妻徐氏吳燦妻項氏貞女周大姑高  
昶妻陸氏倪早榮妻呂氏周用吉妻季氏夏恒吉  
妻葉氏夏承賢妻王氏張懷俊妻于氏韓綺妻劉  
氏楊青妻邱氏項鍾建繼妻蕭氏烈女沈明照聘  
妻周媵姑尹嗣成妻劉氏吳範友妻羅氏張維林  
妻劉氏朱家錦妻韓氏吳純其妻羅氏張廷一妻  
秦氏李天柱妻韋氏王應祚妻姚氏田實登妻饒氏  
金維中妻譚氏黃世玳妻姚氏汪殿元妻沈氏徐  
志遠妻余氏熊正篆妻陳氏吳允謨妻戴氏張之  
培妻甘氏熊必祥妻馬氏裴廷揚妻余氏汪錦文  
妻舒氏張坦諤妻章氏蕭璞妻胡氏方聚斌妻鄭

氏戴起英妻邵氏高堂弼妻李氏孫承謙妻楊氏  
汪景妻曾氏貞女陳姑張宗極妻李氏楊家澄妻  
宋氏周文郁妻倪氏余德義妻周氏袁自起妻應  
氏張任湖妻任氏烈婦邵國憲妻葉氏徐永慶妻  
彭氏胡大本妻曾氏鄒鵬妻張氏貞女劉二姑王  
璵妻陳氏沈希坎妻黃氏朱文燦妻楊氏汪世槐  
妻蕭氏余啟祀妻朱氏汪琪妻徐氏貞女汪四姑  
余銓妻江氏余正位妻彭氏郭雲龍妻黃氏唐占  
元妻袁氏江德溥妻劉氏汪信中妻方氏甘灝妻  
李氏樂國順妻曾氏傅紹虞妻石氏陳上珍妻吳  
氏李永譽妻陳氏張自平妻胡氏曾以禮妻張氏  
貞女李二姑陳應對妻蕭氏曹元魁妻傅氏鄧欲  
立妻陳氏葉世光妻鄧氏貞女汪二姑唐二姑管  
師寧妻楊氏安康氏徐諒妻劉氏張繼紙妻俞氏  
王德暨妻湯氏張洵妻許氏妻徐氏貞女周二姑  
劉長殿妻王氏張任運妻胡氏陳會增妻張氏王

欽定四庫全書

卷二百六十二

天相妻蕭氏歐陽璜妻王氏歐陽錫祐妻王氏潘  
肇楚妻劉氏貞女陳姑周德潤妻鄭氏宋正學未  
婚妻陳氏鮑楚妻張氏李閏泰妻金氏張式融妻  
費氏江璣妻張氏周嘉琪妻高氏侯選知縣吳其  
鑒妻蕭氏龔璵妻李氏萬綸未婚妻郭  
氏張慈妻觀氏俱乾隆年間旌表

雷聲發妻吳

氏

漢川人夫亡守節又同縣胡鐸妻黃氏洪深遠  
妻林氏馬龍顯妻汪氏蕭寵吉妻程氏岳亮偉

妻劉氏殷德亮妻郭氏劉國鑑妻王氏劉琰妻馬  
氏李祚妻潘氏鄧天祥妻胡氏貞女張顯貽聘妻  
萬氏吳士懋妻方氏方拱極妻程氏陳虞暉妻喻  
氏陳虞映妻胡氏鄒發楚妻向氏馬士迺妻楊氏  
貞女金氏張永德妻劉氏黃裳德妻許氏程宗洛  
妻駱氏程宗繡妻林氏楊昂蒼妻屈氏李祖澤妻  
景氏胡海妻毛氏蔣應可妻張氏晏士燮妻王氏  
顧滋遠妻李氏陳烜妻高氏陳銓妻金氏田擅王

妻汪氏黃錫妻陳氏尹生祿妻夏氏曾維正妻郭  
 氏劉次夏妻徐氏馮登瀛妻黎氏成文珠妻魏氏  
 余希文妻金氏范鉞妻曾氏段正邦妻曾氏金文  
 慈妻郝氏程宗濤妻劉氏陳其善妻尹氏黃雲龍  
 妻鄒氏蕭行坦妻尹氏蕭行堦妻鄒氏康懋德妻  
 張氏張廷佐妻高氏蕭文賞妻尹氏姚育桂妻張  
 氏馮斯迎妻鄧氏羅正填妻  
 劉氏俱乾隆年間 旌表  
**李興妻張氏** 孝感人  
 夫亡守  
 節又同縣劉具文妻朱氏余以芳妻羅氏程澹繼  
 妻易氏李有明妻劉氏黃宗健妻劉氏李夢龍妻  
 吳氏王大緒妻陳氏程良坊繼妻華氏饒士亨妻  
 姚氏龔正珂妻張氏王大綬妻邱氏魏方吉妻余  
 氏胡康義妻余氏萬大昇妻劉氏蕭惟丹妻高氏  
 王家會妻李氏王之聰妻嚴氏劉達泰妻蕭氏張  
 文載妻涂氏陳必會妻周氏杜光俊妻晏氏程開  
 泰妻夏氏鄧元畧妻夏氏余鶴年妻石氏陳容萬

妻魯氏蕭範妻楊氏熊志伊妻張氏彭商賢妻蕭氏胡之陳妻武氏江博妻黃氏魯邦謨妻郭氏魯良律妻田氏楊士藩妻何氏趙秉義妻朱氏陳純仁妻余氏余絃妻李氏鄧龍輔妻吳氏高世鍾妻王氏胡德麟妻徐氏沈大瓌妻魯氏汪國佐妻湯氏王觀位妻萬氏鄭致遠妻李氏楊珍善妻徐氏史道珍妻王氏池環妻王氏吳仲傑妻張氏王彥侯妻潘氏陳祚新妻萬氏楊文騎妻陳氏李全珺妻張氏陳於陬妻熊氏李燭九妻周氏鄧耀妻朱氏舒任彥妻王氏張天壽妻廖氏鄧為珠妻華氏馬詠可妻梅氏馬嘉璞妻劉氏汪瑤妻馬氏汪瑾妻劉氏魯瓚春妻鄭氏喻廷桂妻龍氏桂履芳妻舒氏曾宗魯妻徐氏涂卓士妻邱氏李樹績妻周氏烈婦唐龔氏曾洛妻殷氏余念任妻胡氏劉帝永妻李氏程鵬程妻劉氏楊錫祉妻李氏張拱妻徐氏丁光瑋妻李氏余化龍妻楊氏陳世慥妻胡

氏劉永年妻張氏胡封陳妻吳氏龍攸伯妻熊氏  
汪萬育妻舒氏楊大宗妻馮氏唐尚榮妻潘氏熊  
士昂妻王氏楊晰知妻夏氏楊察知妻田氏程尚  
志妻葉氏盧懷美妻魯氏俞漢翔妻唐氏周嘉謨  
妻羅氏楊兆位妻吳氏李呂楠妻伍氏程明志妻  
李氏程興健妻丁氏烈女沈明鏡聘妻盛氏胡天  
授妻張氏呂睿子妻周氏呂錫賢妻潘氏張元臣  
妻羅氏李德隆妻羅氏葉之蕃妻張氏貢女朱氏  
汪澤普妻舒氏胡學源妻王氏唐執中未婚妻周  
氏孫廷梅妻湯氏汪耀妻戴氏陳全藝妻葉氏程  
明調妻黃氏俱乾  
隆年間旌表

**尹士偉妻張氏**

汧陽人夫亡守節又同州孫添

壽妻段氏王定邦妻湯氏余琦烈妻黃氏王榜妻  
曹氏孫繼統妻張氏黃懷宗妻金氏盧光裕妻王  
氏嚴俊妻黎氏王千岸妻李氏郝欽文妻葉氏丁  
治妻陳氏魏開祚妻馬氏高其聲妻黃氏王大元

欽定四庫全書

卷二百六十二

繼妻馬氏熊珠妻陳氏張映軫妻朱氏張雅綸妻  
史氏王兆麟妻謝氏蕭余蘇妻許氏蕭琳妻周氏  
孫繼威妻李氏黎經綸妻熊氏莫其懋妻雷氏羅  
湧妻尹氏陳祖禧妻高氏王三復妻黃氏侯朝柱  
妻張氏余傳妻劉氏王大文妻譚氏向之瓊妻彭  
氏何毅然妻萬氏楊肆夏妻劉氏蕭汾妻譚氏馮  
挺妻趙氏張元亮妻楊氏包長壽妻孟氏范衛中  
辛黎氏倪曰政妻胡氏王秉仁妻李氏劉廷桂妻  
陸氏劉珩妻龔氏劉銓妻王氏熊如山妻何氏許  
大緝妻彭氏孫大蕃妻向氏王煥春妻喻氏曾昭  
妻申氏彭國梓妻陳氏宋一級妻馮氏趙錫御妻  
高氏錢賈妻陶氏劉唐泰妻應氏彭國元妻蕭氏  
許大文妻劉氏費維麟妻樂氏許珣妻鄒氏雷政  
妻曾氏謝載元妻馬氏彭國福妻王氏李世甲妻  
趙氏劉帝言妻王氏王宏漢妻童氏何其朗妻許  
氏黃石堪妻向氏彭積溥妻夏氏孟挺妻高氏劉

光熙妻李氏胡愈謙妻馮氏宋世瑒妻趙氏曾光  
鑑妻史氏周正朝妻童氏張士婚妻姜氏華啟職  
妻吳氏李家賢妻趙氏蕭昂組妻崔氏龔之英妻  
陳氏馬廷松妻李氏魏士綸妻金氏王日冲妻朱  
氏張一瑜妻蕭氏楊自登妻閔氏楊自震妻易氏  
郭之瑞妻李氏余國相妻李氏馬涇妻金氏貞女  
何二姑李侯吉妾劉氏賀瓊妻何氏譚維寧繼妻  
何氏彭傑妻張氏歐陽瓚妻張氏杜聰妻彭氏許  
文祥妻劉氏許公繩妻歐陽氏朱加正妻劉氏朱  
之翼妻郭氏黃國梅妻王氏艾之廉妻易氏楊天  
友妻彭氏倪堂妻張氏池之珂妻周氏張梁妻黃  
氏周聰和妾陳氏譚光薇妻盧氏余瑛妻雷氏余  
澤兄妻朱氏許名世妻楊氏李道光妻羅氏胡志  
傅妻趙氏李伯生妻程氏雷聖宗妻潘氏甘孟傑  
妻田氏萬年武妻毛氏鮑興喜妻彭氏李之第妻  
戴氏鄭世健妻王氏王加和妻趙氏光芝峯妻彭

氏蔣鉅妻朱氏董私淑妻喬氏何之湖妻張氏平	士炳妻江氏費如淮妻劉氏譚光表妻張氏趙師	諫妻陳氏王璋妻范氏蘇兆探妻劉氏劉聖文妻	鄭氏李惟善妻向氏程念濟妻王氏謝道昂妻劉	氏張受百妻田氏廖像妻吳氏廖士銘妻劉氏倪	必瑚妻江氏陳任善妻喬氏覃三葉妻張氏丁如瑞	妻胡氏杜初陽妻吳氏李宗漢妻費氏劉必烈妻	杜氏安揚氏伍志義妻汪氏左漢妻歐陽氏張任	燭妻羅氏烈婦何義章妻葉氏劉煒如妻錢氏吳	國洪妻汪氏余國琳妻張氏許紹仲妻丁氏劉曰	熹妻張氏貞女呂二姑李士朝妻張氏烈婦龔存	寬妻顏氏蘇士倬妻果氏蕭培厚妻湯氏高大昂	妻劉氏劉睽槐妻蔡氏左洵妻袁氏王宗鎮妻趙	氏戴宗賢妻王氏謝載琨妻劉氏劉潤妻郭氏向	來魁妻周氏申錫麟妻謝氏陳炳妻楊氏向余賢	妻黃氏陳在國妻張氏陳在縞妻李氏鄭梓妻謝
---------------------	---------------------	---------------------	---------------------	---------------------	----------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

氏吳國隆妻劉氏張孟陽妻羅氏李在儒未婚妻  
父氏蕭永士未婚妻張氏蔡世謨妻陳氏馮熾德  
妻熊氏趙履坤妻楊氏陳秀文妻范氏劉祖龍妻  
金氏劉啟智妻張氏劉必貢妻胡氏李長貞妻楊  
氏劉士旦妻呂氏范傑妻費氏羅大緒妻夏氏張  
朝景妻楊氏張超羣妻楊氏俱乾隆年間旌表

### 楊峯妻周氏

黃陂人夫亡守節又同縣胡雲志妻  
方氏李羣林妻劉氏王士晟妻胡氏  
王士瑞妻潘氏王謨妻蔡氏汪作梅妻任氏鍾廷  
玖妻徐氏閻鴻謙妻彭氏朱大受妻劉氏張文燦  
妻方氏楊德光妻白氏駱夢熊妻胡氏趙炯妻王  
氏李元奎妻朱氏潘肇基妻朱氏趙紹元妻蕭氏  
嚴方志妻閻氏陳丹誥妻王氏孫正仁妻蕭氏徐  
大錫妻劉氏李之樞妻張氏胡偕封妻彭氏鄭文  
銓妻黃氏鄭鴻業妻劉氏譚會宗妻冷氏童志學  
妻梅氏嚴時霖妻陳氏童林方妻劉氏貞女江氏

楊夢齊妻林氏王宏杰妻韓氏李天桂妻蕭氏喻 大燦妻汪氏彭松壽妻寧氏彭之煥妻徐氏劉長齡 妻葉氏廖璧妻劉氏楊遵畏妻胡氏蕭世昌妻鄒 氏劉國成妻龔氏胡定邦妻李氏盧西明妻許氏 鄭光奎妻傅氏李正洛妻范氏貞女周氏周應元 妻朱氏周學優妻吳氏朱運昌妻劉氏周家儔妻 程氏阮昭祖妻吳氏周廷璉妻陳氏李士超妻魯 氏梅道坦妻李氏陳守義妻王氏李洪元妻陳氏 朱輝昌妻張氏梅乾妻葛氏黃南溪妻王氏王次 郊妻丁氏張文憲妻姚氏劉應龍妻羅氏沈鍾巖 妻劉氏彭同祥妻周氏李俊妻王氏劉裕妻鄭氏 馮廷生妻陳氏曹國妻張氏張琰妻毛氏高日嶷 妻李氏阮應之妻李氏聶申侯妻鄭氏李堂妻辛 氏吳澤浦妻周氏劉受祉妻黃氏燕貽誨妻黃氏 王世登妻吳氏楊成桂妻杜氏劉海妻萬氏彭世 隆妻吳氏甘鵬猷妻易氏王絲妻孫氏李廷秀妻
---

應氏童瑞凝妻沈氏余聯芳妻王氏宋繩景妻黃氏  
宋希賢妻劉氏余應履妻張氏方昇妻王氏劉  
貽彥妻金氏王鑑妻胡氏蕭邦教妻王氏陳鳳池  
妻劉氏王國謀妻周氏王文鳳妻熊氏吉志行妻  
彭氏吉子由妻傅氏吉羽揮妻談氏喻銘妻徐氏  
陳芳烹妻李氏黃國選妻胡氏李開禮妻韓氏文  
大剛妻羅氏袁朝俊妻張氏程穎妻張氏方受爵  
妻陳氏李參霄妻胡氏蕭邦任妻馮氏張鳴鳳妻  
沈氏萬士洙妻韓氏向維焯妻錢氏吳之珪妻魯  
氏郭錫爵妻吳氏江流涯妻彭氏劉如錡妻楊氏  
葉長庚妻夏氏俱  
乾隆年間旌表

## 仙釋宋心道

眉州徐氏子居大別山太平興國寺建  
炎中鍾相叛其徒欲奉師南奔心道曰

學道所以了生死何避焉賊至師曰速  
殺我賊舉樂刺之血皆白乳賊驚異去  
**恩業**漢陽人世

為屠一日屠宰間忽悟心

源葉業為僧卒證善果

土產橙

橘

明統志漢陽府出

枳殼

墨石

出漢陽縣東至山

獺葛


出黃陂縣又出孝感縣小河漢

棉花

出孝感縣

白蜜

唐書地理志復州貢



欽定大清一統志卷二百六十二